

戶

山

花

收到 24 年 5 月 4 日

登錄總碼 03016

0214

類 碼

著者號碼

登 卡 月 日

標 識 月 日

陳 樞 月 日

卡片入櫃 月 日

來原 中華書局

定 價 \$0.60

實 價 \$0.30

書為英人漢蘭
德、白克好司

慈禧寫照記

角二本小 角八本大 冊一 譯銳霆陳

常有趣。繪影宮春之聲。英華權勢。非。
繪影宮春之陳設。華貴。御用。李用宮、
之際。設。置。游覽。觀。朝拜。及。禮。習。
之。之。之。之。之。之。之。之。之。之。之。
物。物。物。物。物。物。物。物。物。物。物。
蓮。英。華。貴。御。用。宮。非。
宮。春。之。聲。遇。勢。遇。勢。遇。勢。
之。之。之。之。之。之。之。之。之。之。
交。際。設。置。游。覽。觀。朝。拜。及。禮。
際。設。置。游。覽。觀。朝。拜。及。禮。
及。禮。習。慣。慣。慣。慣。慣。慣。慣。
及。禮。習。慣。慣。慣。慣。慣。慣。慣。
萬。壽。儀。節。等。等。等。等。等。等。等。
萬。壽。儀。節。等。等。等。等。等。等。等。
述。大。內。祭。祝。祝。祝。祝。祝。祝。
女士原著。所。所。所。所。所。所。所。所。

中華書局發行

廬山花上卷

第一章

2000474

姊乎。汝知行程已久乎。余呼吸漸促。心絡狂躍。恐不能繼進。何不暫息此松陰。稍蘇余困乎。聲出叢林。語者爲一童子。年約十六。雖未及冠。而舉止已似成人。薄碎面色灰白。瘦削露骨。其病態之沈篤。眞如油盡燈枯。去鬼籍不遠矣。手扶郎肩。女之身量與童彷彿。面貌亦相似。苟非同胞。決無如是之相若也。年較童十五。衣雖敝薄。而異常整潔。益顯其嬌容之飛舞。且其勇略之流露。情性之舉動之伶俐。較及笄者猶勝。此時聞其弟辭心如刀絞。見其弟雙唇緊合。面色忽青。思有以慰之。曰。郎尼第勉行數武。吾知苟循獸跡而前。當能辨境。此間林疏。易著寒氣。前有大樹。若至彼而無旅居。則不妨息於樹下。必較此間優勝。或遇途人。詢明途徑。則今夕可卜無慮矣。童聞姊言。勉隨之行。女之藍碧雙目。顧前顧弟。憂



急萬分。扶弟且行且息。既抵樹下。見地形斜坡。女扶弟立於高端。極目四矚。隱見相距不遠。幾簇短蔭中。有一大茅屋。女大喜。指謂弟曰。郎尼。試觀此大茅屋。其中必有飲食臥處。且或有醫士爲若療病。盍行乎前。童撫胸噓氣曰。姊吾儕速往。幸哉。猶能獲此一線光明也。但余已疲極。恐不能再行百碼矣。女神思鎮定。遇事深籌。謂其弟曰。母急。弟且睡。此待姊先往探視。未知屋主容納否也。童遂臥於樹根上。女俟其睡穩。始捷行往茅屋。將近。卽潛至窗畔窺聽。然後闢門入。見室內闌焉無人。於是遄返。扶弟起。曰。佳哉室也。室有火爐一具。故溫度甚高。處之殊適。今雖無人。然主人行必不遠。吾知其返。見此不速之客。必稱奇不止。言畢。嫣然微笑。惜乎。其弟已不能受此一笑之感。蓋病入膏肓。知覺失矣。於暮色微光下。見其面目失神。如蓋濃霜。甚爲恐怖。女竭力扶之起。倚於臂。汗積於額。淚盈於睫。嬌喘間微露寒戰。扶弟迤邐至屋內。女就火爐畔綿羊皮上坐。抱弟於懷。枕其首於臂。童疲極吟呻乞水。女急取水。童渴。臥皮上。乃向室中覓水。旋於屋角一箱內。得水樽一杯。勃蘭地瓶一瓶。中剩酒少。

許女和水酒於杯飲其弟。童渴極急飲盡之。神稍蘇氣稍壯。其首漸垂。其目漸閉似將熟睡。女急俯語之曰郎尼。弟宜臥於牀內。室有牀安睡一宵。明日方可行。抱置內室牀上。童閉目臥少頃。低聲曰姊。其聲微細。雖近立牀畔亦不能聆。幸女跪其身旁。以耳就其口。故聞之。童續曰余自知去死必不遠矣。心躍愈速。而喉間如阻。胸中如轆轤上下難忍。情狀非言語所能形容也。余之歷史。姊盡知之。余心事無多。言之且徒傷姊心。惟余一語聲婉轉。聞之慘然。徐復曰既知將逝。必盡傾我懷。唉。姊乎。余心中最難忍者。卽姊耳。姊年旣輕。嬌怯不能任生計。未知余後更有何人能護。姊愛姊如吾數年之同胞。姊弟也。女聞此沈痛之哀音。心幾爲碎。冰徹肺腑。勉慰之曰郎尼。我愛弟哽咽不能成聲。續曰吾舍弟將何適從。留吾孤獨。何以爲生。吾願弟勉與此惡魔一戰。吾弗願離弟也。童曰死期已至。寧能違命。惟姊當取我等所有之金錢及小包。此係老霍飛其臨終時所與向藏余褲腰袋內。余死後。姊必緊藏之。貼身衣袋內。此區區之金。當可供姊數十日之用。卽包內數紙。吾雖不知其用意。然

老霍飛其既以與余諒非廢紙必有深意存焉。伏女曰是也。淚下如雨氣爲之噎。童曰姊乎。姊將子然一身。吾有數言囑。姊雖年未及笄而膽識過於市井。少年設身爲童子則遇事必較順。今之失敗運耳。余意姊宜涉遠擇大城鎮之易得職業者居之。則終身無慮矣。女恐其語多傷氣。止之曰。弟母多慮。吾必不誤。弟且睡。童依言閉目。室中寂然。少頃童又啟目曰。姊猶憶阿父否。女領之不能答。童曰。吾恐不能見彼。惟深願得登彼岸。時見之不知彼猶識吾否。老霍飛其屢以彼之形像態度告吾。惜已不能懸揣其一二。祇知我父爲一道德之士。其言語舉動俱出上乘。足令我輩誇傲於人。吾蓋天堂中必有其位置也。顧老霍飛其常謂陸頓非我真姓。我父固別有真姓名。在筆。伏此老至死未說。殆亦未知耳。姊吾深恨阿父早故。不克爲姊將護。余苟知渠所在必詢伊。何不如余之愛姊護姊耶。彼爲天上神仙。乃不能冥冥中爲姊默佑耶。曖吾死後誓必問之。言竟。容光漸斂。奮力對其姊微微點首。昏然睡。室中又寂然。約二十杪鐘。病者吐其最後之詞。氣囁斷續曰。金：紙：姊必謹藏之。姊必不

知其用法。試扶吾起。否。勿過高。吾無力支持。時至矣。目前一片昏黑。否。否。彼方有光。姊扶吾往。扶吾往。語至往。字戛然而止。首沈於枕。此童乃永爲長睡之客。覓彼新途。登彼覺岸矣。女知弟已死。附屍大呼。郎尼郎尼。頽然暈絕。約半時許始醒。起視四周。顫戰不已。女雖年少。幸見屍已屢故。亦不甚恐怖。痛定徐拭其淚。支首沈思。金與紙必於屋主未還時藏之。乃檢囊。囊爲一特別形式。女如弟言藏之貼身。此囊遂四易其主。初爲郎尼之父所有。繼而入管園者老霍飛其之手。三遷而歸郎尼。今則至於女郎貼身矣。女整理方畢。陡聞怪聲。磔磔傳入耳鼓。急啟外室門。視之。則絕無所睹。想必山鳥之夜鳴耳。返身入復思屋主人歸否。或遲早難以預決。而身畔金與紙必縫入衣裏。始無遺失之虞。伏筆奈一則無時。一則無針線。蓋遍覓室中。實乏此類也。既而靈機有感。女急起與其弟對易裝束。而遂代爲童子。龍南特矣。更旣舉粗氈。蓋其弟淚湧如泉。香腮濕盡。勉忍心痛。趨至外室。臥於火爐畔。玉臂支頤。目注內室。曉秋雲漫。比佳人命。命比秋雲薄。幾分女郎之境遇。可憐極已。子然。

一身形影相弔。仁慈者聞之必興紅顏薄命之嘆矣。分杪遷移殘霞匿跡暮色昏昏。正萬家燈火通明之時。而女孤身暗室。殊覺乏味。乃拭目徐步出室。闔門佇立。但見重雲籠月。星斗微光。叢林短樹。如簇潑墨。茅屋前有徑通入山谷。女遂趨步而下。意在覓彼室主。藉有所結伴。而免深夜獨居之怖。此徑崎嶇曲折。惡劣不堪。雖慣行山徑者。亦必視爲畏途。而女則性勇敢。坦步其上。絕不荒怯。忽風起深谷。止武察之。覺微風觸鼻。焦灼熏蒸。味似焚木。知離人跡不遠矣。於是再前數十武。望見谷中白煙裊裊。遂伏山邊巖石上下。窺見有數人坐臥火側。女初意但得一人爲伴已足。今乃得六。惟深山荒谷。實藏蛇蝎。若輩蹤跡未悉。難判良莠。心爲鶻突不已。苟衆而爲掘工。自可共處。否則爲騎刦隊。則頃已刦我車馬。豈可同居。不如先探之。遂蛇行而前。至能聆悉語音之地。位而伏衆之二三人席地而談。餘則伏地酣睡。女雖未詳衆貌。聞其談吐。已可決其爲掘金者。衆中有身材偉岸。巨額多鬚者。低聲語。衆時女與衆皆屏息靜聽。故聆無遺詞。彼曰。吾敢決此舉必成。此金脈起於山之東麓。延入西部。

之中心。我六人得此實稱大幸。苟守之堅。無虞不日之不富也。一人聞之點首者再。授手中茶壺於二人遞飲之。曰。唉。莫生。若所謂堅守之固是。惜乎全屬夢想耳。試思設我等久留而不歸。伯羅辟格彼等必疑我營私。將迅使人來視。則汝雖呼救於邯洛屏盜。亦無濟矣。又一人曰。是也。莫生爇烟管遍視其衆曰。吾未嘗不計及。然吾有法止之。我等六衆可以二人往伯羅辟格另營一線。規模彷彿此間。一則掩人耳目。一則或亦有所得。否則事墮歸來。我衆之所得已不啻矣。若詢我衆之所在。可答以另覓礦脈於山之陰。得否猶未可知。而進行頗勤也。第三人曰。伯羅辟格人不易受欺。計之行否。我不敢決。莫生曰。然。是何待言。今之間題。六衆以何人往耳。我意必拈閻。彭澹卽第三人曰。此法最佳。王納君取閻。我醒諸人。彭乃起喚睡衆。將及一人。其人枕臂酣睡。莫生曰。彭澹君醒賈弗雷。宜慎之。彼今日停工最遲。睡最熟。猛醒之。防其叱咄。女聞三人言。危心冰釋。所聞不過掘金者之秘。諒亦毋妨。遂離所附處攀枝而下。立於羣中。

第一章

幽谷夜闌。行人絕跡。童子突如其來。座衆愕然。莫知所措。少頃王納趨執女臂。熟視其面。時女目注初醒者。初醒者亦呆視女面。莫生厲聲曰。子之同伴何在。女遍察諸人。俱含怒氣。心驚不已。惟畏葸終歸無效。不如振氣以答。曰。吾無伴。衆疑莫釋。莫生叱曰。小子汝宜實告。我儕非噬人者也。女曰。言實真我祇一人。言時唇齒相擊。蓋思吾伴果有之。惜乎死於茅屋中矣。莫生曰。子留此爲時幾何。女曰。未久。約五分鐘。莫生曰。渠已盡聞我辭矣。衆聞言或起或坐。日光齊注於此。神彩飛舞。一團稚氣之童子。惟賈弗雷。仍無所知。枕臂酣睡。如故。此時直如演劇。適及乎悲喜之間。咄。此子既盡聞衆計。則一言之洩。成議作廢。而巨金自掌逸矣。然衆蹈險來此。旣受窘於伯羅辟格。人再困於喉糧之難。繼希望之一點。實繫於此金脈。今乃如奪杯於唇。失此株免。寧無憤恨於心耶。幸衆性良善。對此疑不能解之問題。殊莫知所以處之之道。莫生陰至王納身畔。附耳低語。又一人曰。子來何。自女曰。今晨自伯雷大斯根潑來。曰。

謊耳。果爾。則此時子必不能抵此女曰。吾初以車來至山前叢林間爲遊騎所劫。故步行至此。欲覓一宿耳。言詞清朗。郎尼死時之驚苦。一掃而空。蓋如是則不致露簪。況於衆前也。其人曰。言似可信。而終類捏造。恐指使之人預製此詞授汝。以唐突我儕耳。今既被獲。必無倖釋之冀。我儕必謹守不令若逸。座中一人曰。何以守之。聲驚耳語者。二人已盡聞問答諸語。然疑仍未釋。衆計窮。默視女面。仍無處置之法。莫生自腰帶上解連發拳銃執之意。非欲擊也。佯以銃口指女。一對漆黑之目。瞋視女面。曰。子旣來必留此。子已盡聞不應聞之辭矣。子知吾何故不發彈乎。此時賈弗雷忽自黑甜鄉返。張目見此奇劇。茫無頭緒。忽心有所觸。急起趨擊。莫生之腕用力過猛。銃落而莫生之腕幾折。賈附手莫生肩。睡態未去。猶迷糊雙目。發其清脆之音。曰。何々君何戲此子。令余莫明其故。衆互相耳語。少年以手背拭目者。再躬身舒腰。細察座中。覓此疑團之解釋。女於受窘時。忽有人出而衛之。不禁驚喜。見其人軀幹壯直。肩平質美。面貌麗都。衣服雖亦粗草。然愈顯雄偉。雞羣之鶴。別具丰采也。賈揣透其

情曰吾知之矣。衆意渠將有所不利於我乎。果爾誠不佳。唉童子究係間諜。抑可信者耶。二者子何所承設。吾釋子音猶未止。衆咸厲聲曰。不可不可。是安可釋。渠狡甚。賈弗雷。渠實狡甚。賈搖手止之。注視女面。曰。子聞我伴語乎。子必留此。非疑釋不能越雷池一步。子確能允我。必不遁者。視吾面。誓曰。吾實願居此。必得衆允始去。且不可以所聞見洩於人。女默然有頃。遂如言述之。賈曰可矣。迴視座衆。伸臂呵欠。莫生曰。語誠然。不知誰願爲保。誰敢保一童子之語乎。賈復顧女。似笑非笑。曰。余願保之。渠若敢逃。吾必立讐以彈語畢。見女面色灰白。卽曰。噫。子疲乎。余引子至余屋。余願任此完全保護之責。子隨余來。賈手附女肩。別衆出。谷行時。賈欣喜低吟。抵茅屋始止。推門入。加木於火。猛見桌上酒瓶及杯。顧謂女曰。適已來此乎。語時見女目注內室。遂移武入。女隨之。賈揭去蓋屍之氈。女淚已湧如滾珠。哽泣嗚咽。賈細視屍體。遍察一過。乃詢女曰。伊何人。復曰。子妹乎。女頓觸心事。思衆旣目我爲童子而不疑。則何不以假作真。竟冒童子。當如郎尼所謂。姊若爲童子。遇事較順也。乃答曰。然。賈頻點

其首意甚憐惜。曰彼死於此乎。哀者女苦者子。吾知其病必久矣。語聲清朗有紳士口吻。旣而復還舊吻。曰吾知子所以不以此事告谷中人者。意不願多人來此。徒多騷擾而傷子心耳。子母慟。須知渠處此地位。實宜早歸泉壤。享福於天堂爲樂也。然吾甚懼之。可葬之屋外樹下。俾得安眠無擾。與在英國教堂無異也。子待此言畢。攜掘器出屋。相墓於大松樹下。掘地成穴。然後返身入室。抱屍出。女隨之。葬式極簡。賈效牧師代爲禱告。旣畢。微風自黑叢叢之葡萄林飄出。遂下屍於穴。土掩之。堆成墓形。葬禮告終矣。賈附女肩。強拽之入屋。曰毋哭。且坐火爐側休息。待吾爲子烹茶。且覓所以療子饑。吾知子必已疲乏而餓。吾必有以蘇若困。女搵淚助之加水於檉。檉久置爐上。水已蒸乾。將裂矣。賈曰。不死子而死子妹。幸也。子勿以余言爲虐。無人理。要知女子爲世上最可憐者。其嬌弱無力。勿能任艱苦。勿能自營生計也。故雖吾有妹。恐亦早已葬於樹下。蓋較之使彼獨處於此荒蕪之野。受苦萬狀者爲佳也。今子妹已死。子當竟其未成之志。代嘗其未經之苦。余今告子。余爲何人。且語且出乾麪。

包就火烘之。曰余名賈弗雷。語略頓。意似躊躇。又續曰。姓倍爾。英產也。余之所以離英來此者。實因……忽蹙眉。曰。子亦不必知之。余來此求金以充吾用。遂建茅屋於此。余常來往於伯羅辟格。卽所謂第二掘金線之設立處。以購應用及肉食等物。余雖不溺於求金。然每自市回。言時色頰斜目睇。女曰。必多購威司克酒。余固明知其非宜。且人咸目之爲急性毒藥。而今則谷中諸君。卽頃子所見者。盡蹈吾覆轍矣。子所聞覓得金脈一事。余亦與有份焉。儕輩之攻子。非有侮心。特以子之忽焉旅止。而適又盡聞我秘。豈可疎一時之戒。而遺無窮之患哉。故子必勿能返。母忘余言。余必踐之。言時二人目光屢遇。女曰。不敢。君其信余。賈曰。諾。遂以手中熱麪包置女前。并傾沸水砌茶。曰。餐之。餐後子當蘇其困。活潑似另易一人矣。噫。余尙未知子名。子何名。女面色頓白。微顫。曰。余名郎尼。族名龍南。特名陸頓。姓賈。曰。姓名不俗。子姓何名。女顫愈甚。俯首使不能見其面。喃喃曰。余……余永呼之曰。姊姊。嘻死者已矣。女代任仔肩。而涉足前途。惟後顧茫茫。順逆難料。易斂而弁。雲蔽廬山。

情海。起深波。奇花別有姿。吾屬從此多事矣。咄。造化之顛倒。

第二章

婢姊旣述其僞詞。乃就餐。餐畢。與賈對坐談論。娓娓不絕。春山眉展。盡掃愁雲。哀悼之後。偏增嬌態。況感於賈弗雷之竭力呵護。故語俱出以誠敬。女髮本不甚長。充爲童子。尚可不致窺破。而其勇敢活潑。猶非常童所能及其一二。是以賈弗雷雖受電氣。感觸之不同。然憐愛之心。盤旋於腦。爲女愁。勿爲女疑也。議論未已。倦魔侵人。女離座。伏火爐畔。羊皮褥上。天氣正值炎熱。而長夜則涼。褥之溫度。適合其宜。女疲甚。故不移時。已枕臂酣睡。往覓郎尼於爪哇國矣。賈本意以內室讓女。俯見其已睡。遂不忍驚擾。惟憐惜不已。自語曰。苦哉小子。吾不知此飄流無告之子。何幸而遇吾。必善視之。噫。究未識其來歷。咄。無預余事。言畢。至桌前。傾勃蘭地於杯。將置之唇。忽有所感。回顧熟睡之童子。面如朝霞。紅白相映。嬌態依依。微含羞澀。賈諦視深思。不覺復傾酒於瓶。亦不自知其所以然也。微思失笑。入內室睡。

翌晨曙光透窗涼風習習。山鳥啾唧。女爲驚醒。拭目起坐。思及郎尼。淚復集於睫。乃力止悲傷。躍起生火於爐。提甕出汲於泉。泉離屋不遠。伏第八章女先盥濯手面。然後滿水於甕。耳畔隱聞斧聲。蓋賈起更早於女。此賈之伐木聲也。女提甕返。覓粉桶製麪包烘之。其潔理餐事。實無異代理婦。餐既備。更出其妙手。整理屋中一切雜物。又頃賈負木返。頓覺室中形式大異。顧女曰。小友早安。子如含女子性質。余從未見童子而有此能事。女曰能事乎。此實猶未愜余意。二三日當更易其觀。賈大笑。然愈憫之。曰余知子殆第一愛潔之童。茶與麪包已備之乎。感激之至。遂卸其所負柴於慣置之室隅。女止之曰。非其地也。君母素余條理。是宜置之外。賈睨之微笑。依言置之。女曰。君今宜盥濯。余爲置早餐。賈曰。諾。惟是亦願余易衣否。女斜首睇之。曰余不解所旨。然衣潔未必殺汝。賈大笑曰。余尙有一二襲在。然視今所服似劣。故久置未易。反覺祇有此一襲矣。盥濯訖。早餐已陳於桌上。女以麪包煎肉及茶與賈。然後自食。賈忽添一理餐侍者。顧而樂甚。餐畢。賈曰。余今往視我衆子。不妨來助一臂。設或不

來渠輩必疑子遁。女立止其整理食具之手。下視其目曰。任渠猜疑。余必滌拭益碟。事竟始來。君將意余遁歟。賈愕然。又頃徐取其鋤鑿曰。否。余無是意。子旣應之。必守之。余但堅持余言。子苟違之。余必彈子。女縱聲大笑。粲然悅耳。賈昂然出。女目送之於門外。視賈之步履豪氣異常。非礦工之相。勿能久。伍愚儈也。筆旣遠。女始返室。治具旣畢。復灑掃內外室。布置一如己意。是屋頓易其觀。而粗具居家之規模矣。然後滿於水爐上之樽。返復審視室週。始出逐賈。弗雷之縱。旣抵見衆已勤其鋤掘。其中二人已不見。想已旋歸伯羅辟格矣。衆不甚顧女。惟莫生見其探手於袋。怒謂之曰。小子。子在此必作二三時工。是間無閒屋居游子。賈怒顧之。曰。莫生噤勿聲。任渠可已。莫生呶呶數聲。遂舍之。女漸至賈側。依其肘腋助之。賈力作甚苦。女見其所作難且倍於衆。然常止而與女指示飛鳥伏獸。女爲之拾所獲。捧於手。賈與以筐。曰。用之較便。子識其用否。於是納所掘泥塊於筐。浸水中去泥而金留。女微點首。曰。是吾嫋之久矣。母須君指教。王納適近一人側。聞之昵。女謂賈曰。吾觀凡童子伶俐實似山。

中之猴。而此子更覺其勝。賈曰。是或然。惟我儕將待其……女流目送盼。睨賈不語。時至日中。衆投鋤釋筐。進膳焉。女祇食麪包少許。卽離座徐步。或東或西。或行或止。毫不覺。乏一草一木。必撫視之。忽回顧見衆並不留意。急止。武詳察一石。步測其面積。旣而桃花映頰。喜溢眉宇。秋波頻盼。微吟含驚。旣行復返。伏地掘土。擲頃所測石上。狀如游戲。然後至衆前。呵欠曰。余意彼間必有物。莫生止鋤。叱曰。小子。子弗離我。女聳肩作童子笑。仍與衆力作。至日落始止。女所作甚易。而莫生與王納屢譴責之。女亦不以爲意。但謹傍賈側。工止。衆各以其所得金授莫生。令藏之。賈與女荷鋤。徐步歸屋。此時女如釋重負矣。謂賈曰。君盡日力作。當已罷疲。且往灌手。待吾備晚餐。賈睨之。唉。且行。且拂其肩背肘腋之泥污。至女前。曰。子已工作一日。想亦疲矣。女曰。否。余不疲。所作僅合計半日耳。余見君工較勤。得較多。而分金則等。母乃太愚乎。渠等工惰得少。而分亦等。其居心可惡極矣。愚哉。君之受欺也。賈不能答。微吟趨溪邊盥濯。女亦隨往。洗手面。手腕肌膚復形瑩潤。素靨朱脣。重覩嬌豔。洗畢返舍。女置

備晚餐。賈嘖嘖稱賞其部署之善。女推之坐。運食品於其前。賈曰郎尼。子真烹庖能手。余知子猶未盡所長也。子或曾學之於南甘新登。余曾得彼處一少女爲作其全豹。令余戀念經旬。至今猶樂道之。女睨賈曰。南甘新登何在。在曼爾旁乎。賈曰。在倫敦。子奈何不知。女曰。喚在彼乎。少頓。又曰。彼殆君之居。賈點首曰。居屢矣。且有屋。惟久居之處名。……語頓止。易詞曰。其名爲子所未聞。女默然。食新製麪包。量等於童子。約一二分鐘。又曰。谷之金脈有若干遠。彼等祇能探其一部分乎。賈曰。一部分也。其距離與今晚所掘處不遠。蓋我等漸求而下矣。女凝思久之。曰。余意君必甚願回英倫乎。賈曰。有此意而不能達。殆如牛欲飛而無翼。余欲歸而無金耳。女曰。果爾則豈居英之人皆富耶。賈曰。不然。貧者較富者多半數。而英之貧者又較多於各國。若我輩之跋涉重洋而來澳大利亞者。貧更甚耳。且英國亦無肯執一鋤一鑿以求飲食者。噫。固無不以掘丐爲羞也。女曰。其地必雜沓如獸窟矣。賈曰。是亦不然。子苟涉足其間。必較樂於他處。令余終身居之勿厭也。少止。女作異聲曰。南。南甘新登之少。

女何名美乎。賈曰。噫是女乎。吾勿能憶。唉憶之貌固甚美。凡美女無不美麗。殆天賦之特質也。女傾壺中餘茶與賈。歸坐深思。既又起移桌上食器。喃喃曰。余必另覓一金脈。賈微笑曰。子亦我衆之一。勿能有他舉。女曰。不然。余之工作出於強迫。余旣非罪囚。則苟所不欲。亦不能強。然余設有所得。則必屬君。而余之求金。則爲天賦之權利。君亦不可侵犯。賈大笑曰。子語頗類律師。時賈將吸烟。女於杯架上取菸及菸斗。置賈前。賈曰。天乎。余苦覓不得。子何自得之。女曰。在君枕畔。一舉手卽得。奈何忘之。賈慘然曰。余往往如是。與思想如無緣也。女仰視賈之美容。瞿然曰。斯何旨。賈曰。其理如此。杯指杯曰。郎尼空耳。杯或不空。則如余之有腦。余其盡職於國家之紅衣隊兵矣。惟是腦力不足。雖強筋健肌。亦不足以言軍人。余之流爲掘工。獵人。職是故耳。女又斜睇曰。余意君必能爲一良善之軍人。惜哉無智也。君之膂力。洵非二三人所能敵。觀君昨日以威力救余於莫生之手。而知之矣。賈笑曰。是亦不然。譬之一官。噫。余實拙於談論。不能解釋理之真相也。子從未涉足倫敦乎。女曰。然。且亦不知將。

來能往否。賈低聲曰：郎尼子必能往。屆時方信余言之不謬也。設天而福我，則余必與子共而且富有金錢。余將示子以倫敦之街衢廣廈及不可勝數之車馬再引子游於鄉。遍謁名勝覽花園之美景。步田岸之綠茵。彼間芳草不似此間之蓬勃。乃細軟如婦人之髮。或聽溪澗之流聲。或觀古寺之遺跡。或摩老橡之奇幹。或並騎而游於海濱。領略爽人風味。或徘徊於森林叢野。聆鶯鶯之歌喉。澳洲雖亦不弱。終不能及我英倫。身入英倫。直如夢游天國。余時刻冥想之。雖咀嚼千百遍。掛齒猶有餘味也。女臥於羊皮褥上。手撫頸鍾。矇矓雙目。斜睇賈面。賈又笑曰：郎尼。余必能履此夢境。必能重覩祖國。惟余疑：忽驚憶曰：時已晏。子入內室睡。余臥此廳矣。女曰：廳甚適於余。賈搖首視內室。曰：子入言詞毅然。示意已決。不容置辯。女不得已。起聚爐火。以小足踏而熄之。曰：君既如是。戀念英國。必能如願返英。且必獲佳運。賈促之曰：牛或能飛。子往睡可矣。女步近內室之門。回顧曰：賈弗雷君晚安。此女稱賈名之第一次。其音較他語更覺親熱。賈亦敬答曰：晚安。約一句鐘後。賈已酣入睡鄉。而女猶清

醒如常。苦思不已。愈思愈無頭緒。思若人者余之保護人也。乃戀愛英國。念念欲歸。而貧不能如願。若有金則可。思至此亦入睡鄉矣。聞其嘆語曰。此金脈。余之權力所。有也。賈弗雷速取之以返英國。

第四章

在媯媯入山三月之前。某日有一火車馳向史泰保羅。三等車隅坐一無伴之少年。脣齒頻動。面色時更青白似重有憂者。形狀卑鄙不堪。獐頭鼠目。眼光流動。識者決其必奸滑之徒也。脣薄無鬚。而上脣緊蓋下脣。灣作弓形。以代鬚。服晦色新衣。外觀頗似中等人。其實一律師之書記耳。旁置一半辨士。購得之新聞紙。名(誰之誰)。首頁載史泰保羅伯爵之事略。少年已返覆讀之。似將記之無遺。殆車行抵站。則又匿之暗隅。懼爲人見之也。車止。站長與一僕沿車行。如有所覓。及少年下車。僕曰。尊駕其薛特南。名裴新登。姓先生乎。少年顏頰點首曰。然。余姓裴新登。一人急脫帽致敬。僕曰。請君進堡。站長曰。君有行李否。薛曰。無他。祇此。指手攜之。格來斯冬式皮包。於

是僕左手持帽。右手提包。導至一美麗之馬車前。車臺上坐一麗服之御者。見薛亦卽行禮。僕請薛登車。置包車臺。車遂啟行。旣而入史泰保羅堡。薛於車窗內視兩旁。見道路修整。大異堡外道旁花木雜植。一邊榆樹成行。一邊密排夾竹桃。含苞將吐。點點微紅。樹下芳草平鋪。如褥厚茵。此道並不甚長。然少年心目中已視爲不啻有數里之遙矣。道盡處轉入花叢。路砌以小黃石。其光潔平滑。無異打彈之臺。路端爲白石臺階。階上爲英國最高貴式之巨屋。車止階前。僕自車臺躍下。啟車門。脫帽鞠躬。少年遂下緩步登階。屋之正門大啟。有一總管與二僕出迎。總管鞠躬曰。尊駕卽薛特南裴新登先生乎。請由此行。一僕卽爲薛去外套。并取其帽。總管啟一室。延入。二僕左右侍立門外。薛舉武入此蓋餐室。室廣而華。光彩輝煌。陳設奇麗。薛爲之心醉。神迷。覺較未來時所設想者倍而又倍。不能讚一辭矣。室中有一白髮老紳。鬚髮新薙。面色白淨。衣服寬大而色晦。胸懸錢鍊及針扣。就觀察所得。必爲律師。其目光和善。注視薛之上下迨遍。伸手曰。裴新登君貴體安康否。今來遲其車之誤歟。聲震。

全屋。薛勉與握手答謂體頗適來遲實誤於車。律師靜聆其吐屬覺不甚入耳。遂推之坐。曰君行程辛苦。諒必腹中飢餓。點膳已備矣。沿途風景頗佳乎。進食時總管及二僕屏息侍立。此老名屋特亨爲史泰保羅伯爵之委託律師。啟口作禮辭曰。伯爵囑轉告謂不能同膳。抱歉之至。勳爵午前恆不離其房。而餐室中更少有其貴武之履痕。蓋進膳亦常在其房也。勳爵之多病。君必知之。薛點首。其實胸中於史泰保羅伯爵之行狀除車中所見(誰之誰)所載外毫無所知。律師曰。以如是之孱弱。故久未經理其產業。薛曰。其數甚巨乎。律師欣然曰。然可稱英國之首屈一指。須添葡萄酒乎。不必耶。又顧謂管家曰。管家可退。於是侍者俱退。律師安踞於椅。且呵且拭其眼鏡。薛對此從容不迫之態度。頗覺跼蹐不安。律師曰。裴新登君。君得僕信而來若是之速。佳哉。薛曰。余意君必急欲見余。故立卽告假而來。曰是也。君其律師公會之書記。曰然。克拉克氏也。曰是確爲有名之律師。裴新登君。僕之相招實有要事面述。而非片楮所能載也。今僕宜先以家族歷史相告。語雖簡。必能令君悟會。且恍然於

相招之原因。君知伯爵未婚乎。薛微點首。律師又曰。勳爵爲兄弟三人之長。今其二弟已死。勳爵具有一種特別性質。故昆仲不睦。茲姑勿論。勳爵長於法律。曾爲大法院正裁判。其賦性善於居積。故其平生之所得富稱敵國。此君之所知也。僕爲其委託律師。就我窮律師公會中覓之。殆罕遇若是之巨產經理。故不必論其產業之數。卽我律師有年入二萬鎊者。亦勿能與作比例。其巨可知矣。然因之而今日有一極大之間題發生。殊令勳爵終日爲難。迄無解決之方。律師之聲愈語愈高。欣然自得。曰茲事旣委任於僕。則寧敢負之。勳爵之少弟。雖受室已久。然傳聞無後。苟有一子。則此子卽爲承受此尊名巨產之人。薛聲幾啞。曰是也。惟君何以知其無。律師曰。因其成婚後忽然出走。去如黃鶴。杳焉無蹤。今經探訪所得。則已死於某殖民地。而並無兒女遺留。君今解之否。薛曰曉然矣。其仲弟何如。曰李極南。特名裴新登。姓死已數年。遺有一子薛急睜目曰。是。是人其爲史泰保羅伯爵之襲嗣乎。律師又呵拭其眼鏡曰。否。李極南特裴新登未婚。薛詫曰。未婚耶。斯何旨。曰言之頗長。今且以簡

語述之。李極南特其爲人性極怪僻而猶奇於結婚之一事。彼與一心愛之少女結合。恩愛異常。其後女死而遺其孤。惜乎此子非正式結婚之所得。不合承嗣。因之其父屢與兄反目。卒不得直。其父死。其子遂棄家遁。僕亦不知其所在。故今之問題。卽將及於君。薛曰。將屬於余耶。律師注視其面。曰。然。君必知之。法律上之解決。此承嗣問題。則舍伯爵之長姪。及親姪外。卽族之長子。今族之長子。卽君是已。薛猛躍至律師前。注視其面。竭聲竭氣。曰。果屬於余耶。律師曰。然。君請坐。僕亦知君突受意外之感觸也。請畢余詞。余於循環推測之後。確知薛特南斐新登先生。卽應承嗣史泰保羅之產業名譽者。在理本宜以與伯爵二弟之後。而一則無後。一則有而不正當。則舍君其誰屬。薛於律師語時。狂行室中。目睛大張。紅漲及頸脣齒顫動。回想勃羅斯培雷屋之痛苦情狀。及在律師室爲書記之苦況。以較今日之樂。不啻天淵之隔矣。僕願君善順伯爵。則恐不但襲爵。且襲產矣。總管入曰。勳爵欲見斐新登君。薛徐起。律師又續曰。伯爵旣知此情形。卽欲早得見君。藉早相熟。則於承嗣事更覺其順矣。

而搔首摩額。律師解其故。傾杯酒授之。曰飲之。不妨稍遲一二分鐘。

第五章

薛徐飲其酒。然兩手顫動。紅白色迭更於面。薛自入世已來。從未一見所爲伯爵。亦未曾晉謁各種貴人。而今則將謁見一大名鼎鼎之伯爵。亦即己之伯父。驚喜參半。似怯似疑。胸如轆轤。不知所可也。律師持杯至窗畔。徐飲之以待。薛飲杯酒。強壯其氣。曰盍行。律師遂引之入。導之登梯。梯爲雲母石所砌。光潔平滑。四壁懸掛美畫。及花氈。梯之轉角。立一譚堆_{神名}木像。登梯後有長廊繞書室。一中年人。衣晨服。頗有紳士態度。侍立廊下。見二人行近。卽站立鞠躬。然後回身啟室門。讓入。薛不識斯人等級。頗以爲奇。其實伯爵之侍者耳。薛奮勇止怯。移武入。見火爐前巨椅上坐一老者。年歲已高。面乏血色。筋縮皮縐。全露其骨。室中之簾皆舒鈎。故不甚明亮。惟一窗有日光射入。適照伯爵之面。伯爵以其乾瘦之手障之。其目光猶爛爛如黑漆。其精神似未年高也。薛立伯爵前。目視其鼻。屏息不敢發聲。律師卽前。曰勳爵此即薛特南。

裴新登君。伯爵徐下其手。微側其首。曰。一向安康否。音極低而極清銳。語後目視一椅。律師卽移之前。并又自取其一二人。遂坐。伯爵注視薛面。訝以爲奇。顧謂律師曰。君已告之否。律師從容不迫。徐答曰。然。僕已以勳爵所以欲見之故。告裴新登君。此君諒已得其全豹。言畢。寂然。薛對此二人。目光之閃爍。心中怔忡不已。又頃。伯爵曰。青春幾何。薛曰。勳爵僕虛度二十歲。薛不知稱勳爵與史泰保羅伯爵何者爲宜也。伯爵曰。向居倫敦乎。是也。屋特亨已告余矣。子尙有父母兄弟乎。屋特亨亦能告余否。律師讓薛自答。薛曰。否。僕雙親已故。且鮮兄弟。僕爲單傳子。伯爵不嫌亦不喜。少止。曰。子能居此否。願否。否則余亦決不相強。蓋居此實無伴侍。而少年自不喜獨處。子如有此意。不妨直陳。薛曰。謹謝勳爵。僕甚喜過訪。居此。伯爵顧律師曰。屋特亨君已告之否。事已得其細否。余一無所知也。律師曰。勳爵。僕意裴新登君必能會悟。且知勳爵之急欲與渠相熟。以便。伯爵止之。目視薛曰。甚佳。君知順序乎。又謂薛曰。余深喜子能解此義。卽如屋特亨所謂與子早日相熟也。子爲余姪。理應襲余。

爵產。其所以然。屋特亨必已告子。子但能居此。則余雖病不出室。然稍安當有以導子樂。凡此間一切。皆任子指揮。廄中有馬。余意子善騎乎。薛曰否。言時現不安之狀。伯爵曰善哉。然則漁乎。子數日後可一視水產。此不久亦必屬子。子設或居久。覺厭。幸勿亟亟思離。願子勉止。心煩多留數日。今且請。廿余以子之一切名號。薛曰名薛特南。別無他號。伯爵曰屋特亨憶之否。余已不能憶。不識我族中何人。亦名薛特南。律師曰勳爵。十七世紀時。有一薛特南。裴新登。離今猶未久也。伯爵曰劣哉。余之記憶力。事猶未久。已不能憶矣。又謂薛曰。今晚余當饗子。并請屋特亨陪飲。律師起立。鞠躬。目視薛令告退。二人將出。伯爵曰屋特亨且稍待。律師示薛令先下梯。然後返身復入。閉門歸坐。伯爵默然。現不渝色。律師習見之。不以爲怪。靜待其吩咐。又頃。伯爵曰。屋特亨是乃君之手續。其誌之。是非余之主意。余不問其後矣。律師聳肩曰。勳爵。斯人既確應承嗣。則非勳爵主之不可。伯爵曰。必君覓之於倫敦之陋巷。余觀其不類上等人。其見余時。怯若孚斷樹木。豕勝其穀。而噤若寒蟬。屋特亨君爲史泰。

保羅覓得如是之爵嗣。律師劍其首曰。仁。但盡所職耳。然斯人尙在中等之列。今突欲居高位。則一時之膽怯。在所不免。日後必能易其態。伯爵曰。觀其猪態。惟君能媚事之。余不願承爲余嗣。祇可列之爲親戚。否則必爲衆笑。然余重違君意。屋特亨。余略替上天好生之德。君可送之學成衣或靴匠易其衣。作紳士。觀噫。不聞彼云不能騎乎。且頃余言漁渠似亦不善。恐一無所長。殆木偶耳。天乎。史泰保羅之爵嗣。律師曰。此子品行尙佳。差足解嘲。惜乎運之不濟。天奪我正當之爵嗣。伯爵面頰如火炭。怒曰。屋特亨天必懲予。君勿再提前事。旣往不咎。余知不但君。卽他人亦莫不以李極南特及愛特墨特伯爵少弟之出亡爲余之過。謂余老悖然。余仍拘執已見。置若罔聞。律師曰。茲事於僕無干。且旣往者往矣。噫。二君逝矣。可憐李極南特君之子。乃不能承。伯爵止之曰。足矣。君何多言。君且往視。若人爲之易衣。如披猪以錦。一任若諂媚之。余疲矣。律師辭出。下梯見薛猶待於梯下。薛縱觀壁間陳設。思及己將爲巨富之爵嗣。今日觀此而視爲罕見。他日則將憎嫌之不遑。正所謂貧富有命也。惟回首。

昨日又不覺氣敗神消矣。律師見此呆狀。微笑其痴。曰薛特南君勞久待矣。薛曰不妨。既又昂然曰不必過歎。余方巡視壁飾之奇麗。律師曰是間之珍奇屈指難數。不但此間。卽他宅亦莫不然。曰豈尙有他宅耶。曰然。尙有數處。一在司各脫。一在色雷。尙有一著名之屋。君必知其名。卽收謄廳是也。其餘有在倫敦。有在裴新登。他日君俱可見之。今且一觀全堡乎。薛領之心念他屋亦必美麗。而亦必屬己也。律師遂引之遍視大小各室。薛無不覺其美。惟藏書室不甚愜意。室不但廣大。且滿列惠旗和式之烏木櫥。玉軸牙籤。層層密佈。藏書之富。可以占圖書館之一部矣。而薛則以吸烟室。彈子房爲最美觀。他若斗室。起居室。妝閣等。不可勝數。律師示意管鑰者。令引入臥室。管鑰者指一清潔之室。謂卽薛之臥室。律師引觀。畜欄及花園。出園過一片肥田。又穿村出一僻靜小巷。見有一雙大鐵門。立於目前。氣象宏壯。惜已破舊。而示人以消索之態矣。薛知爲舊家中落。苟整理門楣。必能令人欽仰也。門前之路。寬廣平坦。兩旁圍以長籬。連接不斷。樹木參差而密。草長偃足。不識何家宅院也。薛注視

不已。詢律師曰。斯何地。律師且行且答。曰此爲藍許雷府。薛曰。屋老且頽矣。律師曰。府與堡年歲相若。壯麗相同。當時亦車馬盈門。今竟不幸日漸衰落矣。曰斯屋誰屬。曰屬之愛特華名藍許雷姓君。一少年男爵也。少止續曰。渠有狂癖。喜遨遊。大約該族中人無不帶此怪癖。故藍許雷氏之產已質典殆盡。卽君……僕意指伯爵。彼處亦有其質產券。薛曰。是誠可憐。我儕不可購之。律師自笑曰。可憐固也。惟不久必歸於我矣。雖然。愛特華先生亦不肯賣此極古之男爵第。渠狂而且傲。不過傲而不能經理。亦無濟於事。今幸有其胞妹依佛小姐代之。差可延捱耳。小姐亦狂傲如其兄。且依兄度。日薛曰。渠未娶乎。薛以爲已將爲堡主。則不可不知其近鄰。律師曰。未也有依佛小姐在足矣。小姐主是府。且經理其產業。其竭力經營。巾幘中之罕覩者也。薛特南君。僕言止於此矣。蓋伯爵與男爵已數年不相往來。其故實起於二人之爭地。而伯爵怒於律師欲言「爭奪」。忽止而不語。薛曰。君所謂狂癖者何指。豈渠溺於麴蘖耶。律師曰。然。不但溺飲。且善博。而猶喜賽馬。倫敦人無不知之。且不但名揚飲博。

也。渠常往來倫敦間。馳馬行獵。其鎗發必命中。而其名獵又膾炙人口矣。咄。談及彼魔。彼魔來矣。

第六章

薛猛見一亨斯美自一狹巷出。車高馬駿。風馳疾捲而來。驅車之少年容貌清秀。兩頰作桃紅色。目光敏銳如電。加以笑靨迎人。愈增丰采。其帽斜覆於額。手執鞭絲。極其控縱之能。然薛並不留意於少年。而全神貫注於少年並坐之女郎。女郎姿容絕世。如出水芙蓉。而鬟鬢細髮。與其明媚秋波。猶足令人傾倒。素衣薄如蟬翼。不飾不縫。益顯其天然妖麗。在薛之腦中。實爲僅見。覺較向日見於各種雜誌之封面所繪。偶有一二相似。終不如斯美之飄逸生動也。車近。愛特華勒馬停車於二人之旁。揚聲曰。屋特亨近安屋特亨脫帽答禮。行近女郎前。依佛小姐微笑相迎。與之握手。律師曰。依佛小姐想必玉體安康。樂哉。午後之車游。愛特華笑顧其妹。謂律師曰。渠方操籌。非余一再強邀。寧能來此。依佛余言然乎。小姐睨其兄微笑。搖首不答。律師心

知所謂操籌者。非女之因。此言者之惡運也。愛特華以鞭絲指馬。曰是乃新購。頗適觀瞻乎。其價甚廉。賣主以度日之故。不得已而貨之。非馬有所病也。摩爾馬然乎。時薛獨立旁皇。咨趣莫知進退。律師遂助之柔聲曰。依佛小姐。僕爲君介紹此薛特南。裴新登。君渠爲史泰保羅伯爵之堂姪。今將居於堡。律師言居字時。稍作停頓。遂引起愛特華之注意。遍視薛之上下。曰貴體向安否。僕得見君三生有幸。聞君將居於堡。信乎。想屋特亨必已以僕與伯爵之不和告君。然僕甚願君不棄鄙陋。俯允相交爲幸。君初次來此耶。苟不悉諸景。僕可一一爲君指導之。此間不但行獵不惡。且多種種遊景。若伯爵之放棄一切樂境。不可謂非殺風景也。君明日肯飯於寒舍乎。僕家無他人。屆時當爲君備葉子與雪茄美酒。君我二人共博竟日之樂。何如。薛面頰耳漲紅。徹髮根苦。思有頃。勉答曰。謝君厚意。敢不領情。曰諾。准以八句鐘爲約。屋特亨可無須邀汝乎。吾儕飯汝厭矣。依佛余言然乎。律師笑顧小姐。答曰。愛特華君。僕亦厭之。僕雖老而事益冗。絕少片刻之安。苟得少暇而假寐椅中。願已足矣。愛特華。

曰。依佛渠又述及老矣。其實渠尙勝我六七少年也。呀。時已過久。摩爾腿痠矣。時馬屢踢其蹄。嘶鳴不已。愛特華返驅車去。律師佇望其鞭影。咬脣沉思。薛曰。的是可人。忽又曰。余應其請。伯爵聞之。得無憎嫌否。律師曰。否。伯爵決無憎嫌。決不涉及君之交遊。君苟欲得其歡心。勿逆其意可耳。至於飲於曾。與伯爵有隙之家。決不因而敗其感情。惟僕意斯君溺酒。君與飲時。慎勿過量爲宜。

二人語時。愛特華驅車已遠。謂其妹曰。觀此鄙夫俗態。乃爾乃爲伯爵之襲嗣乎。余初意其爲屋特亨之書記。及觀其瑟縮而不滑。則其在商界上似尙非下乘。天乎。第二史泰保羅伯爵不堪設想矣。渠何自來。何所業。余甚奇之。依佛曰。愛迭愛特華。然則何猶約之飲耶。曰。依佛。余亦不自知其然。祇見其醜態。以爲堪作飲時之消遣耳。況乎屋特亨不云渠將居此乎。則斯人將爲史泰保羅之襲嗣似或可必。依佛我儕亦不可不識之。渠或自露其隙。或不能服衆。則亦意中事。否則渠且盡得彼老人之金。不但名譽及家產也。天乎。余其拭目以視其後。依佛曰。愛迭。是則汝將與之通來。

往耶。曰是亦難料。今且識之爲守成之子。則余既與貼鄰。必不再惡之。余久已失之。今勿能再忍矣。且視之爲守成之子。

律師復引薛往視村農。農人相率歡迎。農婦亟進茶點。老幼男婦。擠滿一室。紛紛脫帽。皆貢其誠意於新嗣。律師指視田畝。謂年必失入數千鎊。薛詫以爲奇。律師謂此亦足資見識。蓋田戶所用器具。尙係老式。故損失無從補救。不但租戶爲然。己田亦莫不如是。他日君皆知之矣。薛領之。遂返堡。律師導入書室。曰今宜提議君需用金錢之數。僕與伯爵一再商酌。允年給千鎊。不知足用否。薛故作坦然答曰足矣。其實彼夢想亦無如許之年入也。律師點首微笑。自袋出一銀簿。曰僕已爲君就本地銀行開一銀簿。此爲第一年之給數。君欲用時。可簽名於上。向該銀行取之。薛取納胸袋。內手微顫。忽伯爵之侍僕叩門入。曰勳爵令告二位。勳爵體不甚適。不能同與晚餐。律師曰。唯時有鐘聲似發近處。律師曰。此更衣鐘也。薛囁嚅曰。予未攜餐服。律師曰。無妨。明日可令送來。薛曰。予……予居此未蒙彼間應許也。律師曰。僕將致書克拉

克氏薛遂入己室洗手。伯爵之侍僕已在室。見薛入。卽爲傾水於盆。低聲曰。尚有所需否。薛昂然曰。否。無所需矣。洗畢出與律師餐於大餐室。總管及僕人侍焉。餚饌豐盛。秩序甚整。餐畢入休息室。律師滔滔談論。薛靜聆而已。其心中猶念藍許雷兄妹。於依佛之美貌。深印入腦。故律師之所述。强半不聞。但顛倒於藍許雷兄妹之丰采。

第七章

賈弗雷等在谷中。勤其工作。日復一日。金數漸增。惟彼時尙未有機器。祇能力運其鋤鑿。故所得之數。終不能稱巨。幸而金脈並不向伯羅辟格。故猶可秘而不洩。所慮者。祇掘鬆之痕耳。積日稍多。衆已不甚留意。此依於賈弗雷肘腋之童子。一日。衆俱午睡。婢女又僞爲散步。標識其已所覓得之金脈。詳審入手。採取之法。繪其勢於紙。紙係撕自賈之書。繪畢。見細草蓬勃。蓋此脈上不遺餘隙。雖人人經此。亦必不知其有金。故女益欣喜。於是探手於袋。依然散步。常回首視。賈觀其醒。未蓋女細察。谷衆惟賈獨異。性雖和藹。而滿腹貯愁。令人莫解。且其工作又較勤。而不怨。更無從揣其。

旨矣。一日晨。賈力作移時。卽棄鋤行。女隨之。見其入茅屋。荷鎗出。面貌頓形威武。女曰。賈弗雷君將獵乎。吾爲君拾鳥。賈搖首曰。子留此。余喜獨行。女訝之。答曰。諾。於是倚窗目送之。賈性沉靜。往時恒獨坐爐畔。支頤深思。從未有今日之舉動也。女望影不見。始返谷。坐衆側。莫生曰。賈弗雷荷鎗而出。頃吾見其在山巔矣。王納曰。吾二日前早知其必有此鬼鬼祟祟。君若見其恒遠行里外。仰視不已。即可卜之矣。故吾日來亦不敢與賈弗雷語。莫生漠然曰。渠必有所慮。昔有一少年。慮恐破害。初亦不甚覺其異。漸而怪變迭現。適如今日賈弗雷之所現。行無蹤。飲無時。心如有所勿能忘。不知其何所慮也。王納譏之曰。君問之以破其疑。莫生曰。嗟。非余懼之。實非余所應。問略止。又曰。余向不關涉他人之事。己事且不暇顧也。時至矣。小子速勤若拾。須知我儕更難於子女。徐起行曰。予尙有他事。言時慄慄作童子態。莫生怒視之。曰。小乞兒。憊懶若是。吾惟有痛擊汝首。王納曰。余以爲不可。賈弗雷返。聞之必還擊汝首。不如任之。況乎區區童子。其所得者不及中人之半。亦無濟於我。且童子亦自有其

稚氣也。女返屋整理器具。每一舉動必少止作。想。想。賈弗雷也。既畢出登高岡遠眺。賈之影蹤或靜聆有無鎗聲。不得乃返。既而夕陽西下。暮色昏黑。既而星斗蔽天。既而魚更三躍。賈猶未歸也。翌晨女起灑掃整理。然後置早餐。餐不能下咽。蓋心恐賈將不歸。故盈盈之淚集於秋波。將奪眶而出矣。忽隱聞賈之步聲。女強止其淚。步聲雖輕。而女聞之幾如星期日之鐘聲。樂極淚流。勉忍之勿欲。令賈見己之煩悶。故佯爲如無其事。爇水樽而烤麪包。且高歌以示樂而不驚。聞足音止於門外。如聆其歌。少頃入女並不回首。曰賈弗雷爲君備早餐矣。賈置鎗室隅。擲鳥於桌。頽然坐。女顧之。見其面色灰白。目疲神倦。不問而知其必終夜蹀躞也。賈飲茶盡一杯。略食數口。卽推開盆碟。目注火光。此時他人必不能忍。問而女則默然。少頃賈曰。頃間子唱何歌。女曰吾歌乎。余亦忘之。或卽聞之伯雷大斯根潑人之所歌。今偶憶及。不覺脫口而出。不識是否。語畢。見賈不語。乃歌甘斯里曼伏尼歌以悅之。歌聲婉轉清脆。極抑揚頓挫之致。歌未數聲音已不能容於室。聲浪自門窗中逸出。散佈叢林間。而賈之。

神疲力倦憂思愁想俱爲此一縷柔聲所劫遂徐起步出曰郎尼子之歌喉繞梁如笛余尙能憶此古曲今出以子之清聲甚願一再聆之女紅雲滿頰星眼含羞撮口微噓旣而賈入女以煙及煙斗置桌上賈瞬視女面取煙斗吸煙曰郎尼余昨晚不歸子驚懼否彼時余不但忘子且盡忘一切所不能忘者祇一事又歎曰余甚愁子或驚懼女曰予不甚驚懼惟不知君之所在頗愁君或有所遇耳賈弗雷願君他日再出必攜余共賈曰否余喜獨行余時或爲行魔所擾以獨行於野爲快非戰勝此魔不歸也自是以後余非不得已必不離子今余將入谷女曰不稍休息乎賈謂爲時過久恐勞衆盼當卽去且以所得鳥分饗之遂攜鳥出女云當卽隨之賈旣去女投身於椅支頤沉思賈之不樂必恨不能返英耳時機旣如是之急寧可緩耶遂起覓於室得一籃卽挽之於臂離屋入谷衆已作工女揚其籃謂賈曰賈弗雷余欲移谷中之藍色花於屋前賈曰可女遂徐步谷中且歌且行至己之金脈標識處取籃底所匿鐵器掘其浮面且掘且歌漸深而目的物發現矣於是塊塊黃金置之籃

底。其面滿蓋以草花。然後掩掘痕。攜籃出谷。飛奔歸屋。於途陡聞谷衆之一大呼。急探身下窺。見衆皆棄鋤圍賈側。手舞足蹈。指畫陳說。於時又聞賈喚已聲。知不可不下心欲置籃而獨往。則此係何等重要。豈可任意置之而不虞意外耶。乃仍挽之於臂。入谷。見衆皆圍視賈手中物。視之。則一巨金塊也。賈面不改色。而衆則踴躍歡欣。如睹巨富。女慾態可掬。曰重若干。值幾何。賈曰。約數百鎊。莫生急曰。既有此。必有繼。速力作童子。速勤其拾。得之子亦可有份也。子手中何物。可與余女匿籃。身後莫生怒甚。欲奪之。賈曰。任之。惟時女已奔歸茅屋。閉門掘一穴於室隅。納金其中。足踹之使平。而移粉袋蓋其上。然後啟門入谷。隨衆工作。今日衆乃勇作倍常。然終未再得巨金。殆及斜陽西下。日已云暮。不得已勉棄鋤鑿。莫生持金塊躊躇久之。曰。賈弗雷。我儕金數已漸積而多。置余帳中。余心甚不安。設伯羅辟格人而果來。則必覓金之蹤。其先則又必先索於余帳。不如置君茅屋中。想必未易搜獲。余心稍安矣。賈漠然允之。莫生遂入帳。納今日所得。并之於一篷布袋。攜之出交於賈。賈與女曳之別衆。

歸屋於途。女心中如沸。深憂賈或亦匿金於己之匿金處。旣抵屋。賈四視一週。卽曳袋直趨室隅。女急止之。曰：母然。凡索者。莫不先及於隅。不如思其次。賈移袋於桌棟肩。曰：子意何處爲佳。女移桌於旁。掘穴於室之正中。納金而泥蓋之。平之一如己之藏法。然後歸桌原處。旣畢。曰：賈弗雷。是豈尙有所不足於君而不喜耶。是非君回英之佳運乎。英倫非所謂燦爛文明之地。而君眠思夢想所欲往者耶。賈曰：然。固燦爛文明之地。而戀念之者甚衆也。惟亦有不喜之者。余卽其一也。郎尼。余已參透世情。今晚勿再提之。且備晚餐。女不敢再詢。然疑雲愈密矣。夫賈旣念念戀英。而又不欲往。豈彼於英倫犯殺人之罪嫌耶。抑別有不如意事迫之耶。

第八章

自是女日必攜金藏之。或以花籃。或匿衣袋中。終不爲衆覺。蓋衆惰而多臥。故女得從容從事焉。賈則時或荷鎗獵禽獸。或入森林伐木。而其愁眉終不稍展。惟女或不在室。則賈必不飲。勃蘭地雖愁雲萬斛。亦必待女晚歸始飲。一日。金烏已墮。賈猶未

返女靜坐無聊。取賈書之一讀之。然女程度甚淺。寫讀俱非熟諳也。既而賈歸見女。支頤伏案。擁書苦讀。讀不解則眉尖深鎖。研思益力。而賈入遂不覺。賈俯語之曰。郎尼讀乎。此余首次見子之讀也。女不覺腮頸俱現晚霞色。赧然曰。恐末次試思難字。如是之多而不能解。是書不幾無用耶。賈曰。噫。個中多不解之難字乎。毋妨。余爲子解之。談畢晚餐。餐畢。女取煙斗滿之。賈爇火吸煙。曰。郎尼取書來。余爲子解其不解。女嫋娜而前。自架上取書。擲桌上。嬌嗔曰。余不知是果有何大用。乃必迫人入其轂。中甚屬費解。賈曰。斯間或無用苟一踐外界。則有不能不用。不可或缺之勢矣。郎尼其勉爲之。此實世界之至寶。不可不備之。子且移火稍遠。擊椅就余坐。余爲一一詳示之。女依言坐賈肘間。抱首吟哦。是書爲著名小說家李却特孫所著之寫情小說。一名克拉立洒。賈最愛讀之。蓋賈頗嗜文墨。惟不肯效騷人詞客之弄筆耳。女徐讀至一難字。凡女之所謂難字。指拚法之長者而言也。賈曰。郎尼。凡難字苟留意其個位。之音而速之。卽不難矣。遂以分析法教之。女效之頓覺順口。點首自鳴得意。賈又曰。

凡數字句之後。有一點。卽爲一句。如行遠而止。卽爲一程。行長則程長。行短則程短。語之長短。卽似之。於是又以語句之間接直接頓挫之意。指示之。女心領神會。抱書再讀。賈口述指畫。津津不倦。旣聆此清越如鶯之嬌喉。又投己之所好。不覺大樂。蓋久未有此愉快矣。又頃賈曰。今宜習字。且令余一觀子之書法。於是探囊出鉛筆。更覓紙。豈知室中除有字之書以外。竟無片楮。遍尋不獲也。後仍於賈袋中得一舊信。賈撕其已書之頁。而餘以授女。曰。今且先書子名。女遂伏案寫之。側其首。頰幾偎臂。初書手大戰。不覺竟書 C 字。賈大笑。女急曰。何笑爲。賈曰。是非 R 英文郎尼爲 Ronnie 而爲 C。
英文姊姊爲 Cotte 單非誤歟。紅雲陡溢女面。香汗盈盈。急抓紙將碎之。賈力奪之。曰。不可。祇此紙矣。今余示予而子效之。余執子手書之。遂執此纖纖玉腕。導筆書之。旣竟。曰。予手柔綿潤滑。乃爾。非作工之宜也。今子試自爲之。女作慇懃態。曰。自然。余能爲之。語時色愈絳。勉書。郎尼陸登書時。賈離座撥爐中餘燼。女書畢。見賈不在側。乃作數字以算其所得之金。旣而反紙。見似有字。諦審之。祇有裴字。筆伏其下。想係在撕去之紙。女

莫測所以。不知作書者究與何人。蓋賈姓倍而而非裴也。既非賈書。則何以又在賈手耶。賈回首。忽見女注視此字。卽不發一言。取紙又撕去之。再執女手教字。自後日必依時習此二課。賈勤誨不怠。以迫此童子之進步。其熱心於教育。非學校教師所能頡頏。而其愛郎尼。則雖慈父亦不過如是也。女之腦筋異常靈敏。且富堅韌性。按時習字。不苟懈怠。忽忽數日。其讀漸通。惜乎賈書不多。不能就程度之高下也。女不加選擇。卽以克拉立洒爲讀本。是書實爲寫情之勁作。夫以姪娣之天真爛漫混沌。未鑿固不識天地間。有所謂情之大魔力在也。乃是書所寫。適又無一非情字。情漿。情汁。日日灌輸。女腦女屢爲輶讀。瞠目出神。頗奇此大文豪之毫端。何以別無可書。而獨寫此不可思議之大文章。似乎世間一情字而外。空無有矣。深願身入個中。一窺真相。其如小說多係空中樓閣。集無數之空理想耳。縹渺茫茫。不可稽考。然人之讀小說者。雖明知其子虛烏有。而因有一二痕跡可尋。卽希冀其實達。此想甘心願就此情魔座前。而再拜受縛焉。是以書未卒讀。而女之靈田中已爲情所充滿。無絲。

毫。餘。隙。矣。漸。而。膨。脹。縷。縷。自。縛。矣。漸。而。推。廣。絲。絲。縛。人。矣。然。而。情。者。專。而。不。普。非。盡。
人。可。以。施。與。者。也。於。是。問。一。己。之。靈。光。誰。是。受。者。則。舍。賈。弗。雷。外。更。無。可。言。合。格。者。
矣。宗。旨。定。目。的。準。賈。弗。雷。遂。爲。姱。娣。施。情。愛。之。專。人。矣。惟。賈。則。猶。在。五。里。霧。中。日。事。
教。讀。曾。未。稍。留。意。於。女。之。捧。書。沈。思。也。嘻。甚。矣。哉。小。說。之。魔。力。也。姱。娣。本。不。知。情。愛。
爲。何。物。今。則。蠶。叢。蜀。道。漸。通。秦。塞。人。煙。矣。一。晚。賈。歸。晚。餐。時。謂。女。曰。谷。衆。以。鑛。源。忽。
竭。欲。棄。而。溯。其。上。女。大。驚。蓋。女。之。金。脈。猶。未。盡。而。意。亦。不。忍。捨。也。急。曰。上。流。離。此。幾。
何。賈。曰。頗。遠。約。在。山。之。背。面。女。始。氣。舒。心。安。賈。又。曰。渠。等。明。日。卽。往。云。將。攜。子。共。余。
意。子。必。甚。願。女。曰。是。亦。無。妨。我。等。同。往。可。已。賈。曰。我。等。乎。余。不。去。余。願。留。此。舊。鑛。
尙。有。未。盡。也。且。余。對。於。金。亦。無。所。用。之。郎。尼。若。子。則。一。未。入。社。會。之。少。年。來。日。方。長。
事。業。待。建。者。多。矣。不。可。不。隨。去。在。理。宜。去。也。女。手。理。盤。皿。愕。然。失。色。曰。賈。弗。雷。君。忍。
心。棄。吾。乎。賈。徐。曰。吁。子。誤。矣。試。思。余。與。子。相。共。已。久。豈。一。日。失。子。而。樂。耶。微。子。余。且。
屋。不。成。屋。失。子。余。反。安。耶。余。之。願。子。往。者。徒。恐。留。子。而。適。以。誤。子。耳。噫。子。往。矣。望。勿。

忘余苟所遇而順。則更望勿忘余今日之言。女目眶盡濕。不發一言。勉助賈掘所藏零碎金片。賈曰。余持往分之。且告以子之願。往女仍不發一言。賈既去。女投身於椅。大哭不已。久之。賈持所分得之金返。擲袋於桌。曰。衆以明晨六時行。余告以子必如時往。女曰。吁。君告之然乎。是晚。賈教以最長之書。表其終也。既畢。賈吸煙如常。而女亦笑談如恒頃之。賈曰。郎尼。子今夜須以四鼓起乎。女曰。然。是聲直擊賈心。及女既睡。賈爲女理一小包。包中置書二本。及日用之錶。且與以數金。此數在賈所有中已居其大半。尙有一切童子應用之物。包裹既畢。始就睡。然終夜未曾交睫。東方稍現魚肚白。卽起早餐。餐畢。女猶未起。賈推室門。呼曰。速起。時且失渠輩。曾云過時不候。女徐徐穿著。賈心憂甚。催促至再。女方出室。早餐時仍如其常。賈待其餐畢。已急不可耐。曰。時至可去矣。此包子攜去。尙有手杖。余亦已爲子備之行矣。再會。唉。上帝福汝。望勿忘。余女曰。諾。肩小包。大步出門去。賈望其去遠。乃入室。背門對火坐。心甚奇。此子何寡情乃爾。而臨別猶無惜別之意。是無怪天下多冷心人矣。時逾一刻。門忽

自後啟。有人徐步入。擲包桌上。就火坐。賈躍至其前。注視其面。曰奇哉。子何去而復返。豈渠等已行耶。果爾。余必追往。女急捉其臂。目視其面。笑而含淚。曰笨伯。君意吾願離。君願君離吾乎。賈曰否。否。上帝鑒之。女曰。然則吾何爲離。君吾豈忘恩負義之徒乎。決無是理也。君吾仍同居。非君厭吾而逐吾。必不去。言既嗚咽不能成聲。淚濕沾巾。賈大爲激動。趨前抱女於懷。面偎其額。呼曰郎尼郎尼。女心異常震盪。移時推賈手起。不發一言。出門去。賈雖愕然。莫測其意。然仍守其益格魯人之態度。不急追問。約數分鐘。方徐起荷鎗下谷。女自屋後窺其去遠。遂入室。整理如常。然時而泣。時而笑。泣去時之心酸。笑復回之如願也。旣而提甕出汲。旣滿。肩之將返。忽覺叢林中隱約現一人首。一閃即不見。女爲之木然。女固知斯間從無他人來訪。不覺不寒而戰。然故作不見。仍提甕徐步返入室。急置甕。疾趨窗畔。伏隙而觀之。以待其變。

第九章

女跪伏窗前。內能見外。而外不能見內。女知其人必已見已。然仇耶友耶。果斯人而

來自伯羅辟格。則祇來視掘衆。可無足懼。否則必爲匪徒。然已之地位固險矣。而賈弗雷即已之保護者。猶險萬倍也。試測來人似已知賈出。將待其歸而狙擊之也。思念及此。心熱如沸。狂呼之聲。幾自喉間。斬關而出矣。噫。安可坐視不救乎。然殊無救之之法。又頃見其人漸自草際。蛇行向茅屋。又過門前。而趨女所窺之窗。女急回身佯爲理餐。意不欲令其人見己之窺視。而遽起惡念也。微飄妙目。見其人露面窗臺。前其貌不揚。獰獰似惡鬼。其目細小。其鼻長懸。口闊脣薄。此貌殆非人類。而似逸自英國博物院之惡獸欄。女覩此野狀。知斯人必非善類也。雖然。以女之勇略。則渠雖推門入。亦無所懼。今既不入。是猶足以戲弄之矣。女乃吟歌而趨粉桶。取粉作麵包。既復徐顧窗臺。則人面已杳。女知其離必不遠。然久而無變。遂復窺之。則亦毫無影形。於是知來者必不止一人。今其人返告其伴耳。女思已爲童子。決無性命之憂。所最可慮者。賈弗雷歸必與來者鬪。則其危險殊難逆料矣。況乎推測來者之意。必爲奪金。而以彼等之善搜。則藏金必不能隱。然金乃所以舒惱。悅賈心。達賈願者。失之。

不更增其憂乎。女思及此。不覺柳眉倒豎。紅暈素面。緊咬牙關。願決一死。以冀獲萬一之希望。幸室中有獵鎗及連發銃在。尙可抵敵。惟久而無助。則恐敵衆或難以久持。將奈何。總之來者之目的在搜金。而在戰。避其搜可耳。噫。恐或搜及己身。則胸前之包必被攬。將如之何。女於包已忘之久矣。蓋日遊於情海中。無暇他及也。於是雙手顫動。自胸前取包出。包之形扁而小。裏繫甚密。交縫處。蓋紅火漆印。二女對之。又憶及姊第二人。流落於伯雷大斯之奢。況淚復涔涔下。忽聞有足聲駐門前叩門。女此時已不能匿其包。卽順手塞之袋內。佇立觀其變。

方來人盡得屋中情形。即自矮叢中爬回同伴處。森林中有二人伏地遙望者。即其伴也。二人面貌之惡劣。不下於其伴。但就其面已足以察其罪狀。累累矣。去二人數十武。馬繫於樹。較草踢蹄。以待凱旋。是三人者游騎也。來人至二人前。低聲曰。已悉彼間爲一茅屋。惟不敢決其究爲藏金處。抑牧羊之居。一人睜目曰。吾願其爲藏金處。不知何人在。彼希南曰。祇一童子。吾窺之窗。而未爲所見。見一小乞兒。方作一麪。

包曰。室中。有何物。有。值價之物乎。希南聳肩曰。祇有尋常用物。然不敢告汝。所藏。有何物。第三人曰。是語確也。吾意宜往一行。一童子當必無害。即不得金。得口糧亦佳。今晨吾之欲得口糧。甚於得金也。別爾。若往。繫繫我馬。我曹行矣。希南曰。且住。彼室雖祇一童。然尙未知其餘之所在。不可不防之。若曹且止此。吾假裝一窮苦不堪飢餓。將斃之狀。往求容納。當無一舉手之勞。即能返而報命。汝等任我爲之可已。第三人曰。希南言是。室人幾何。尙未知之。不可冒昧從事。不如任渠往。想必立能告我以實情。或須用我爲助。別爾。擣肩曰。諾。惟有酒。則希南速告吾。吾渴想久矣。希南曰。汝曹待此。必待吾告若始來。否則。或見有人入屋。即蹤之。吾知屋中必有所得。於是反穿其褂。覆帽邊以遮其目。匿鎗衣底。裝苦態。狀窮迫。徐步抵屋前叩門。

女聞叩門聲。坦然問曰。誰。希南作哀聲答曰。一被難之人。女以手附胸。舒氣急拔關。速客。微笑點首。以示歡迎。曰。入。希南入坐桌邊木箱上。曰。幸哉。吾猶獲見人類。吾迷途至此。已一星期。初不料今日猶能免作餓餒。請稍賜吾飲食。吾飢渴已若餓鷹。女

曰。必不餓。若遂以杯茶及一麪包置其前。曰。若作遠旅行乎。希南狼吞虎嚥。且食且答。曰。已數日矣。乃迷於途而不獲方向。頃間見子屋之炊煙。始辨人跡。故卽來相求。子一人在此耶。噫。是間無涓滴之酒乎。女即以賈飲殘之勃蘭地瓶授之。希南飲之盡。目漸大。閃閃有光。兩顴漸紅。曰。佳哉。吾此時始有生氣矣。吾知子必不知。一星期飢餓之苦況而險也。子一人在此。然乎。女曰。嘻。不然。吾儕有四衆。希南含杯凝神。曰。有四衆耶。人果衆矣。掘金者抑牧羊者耶。女心狂躍。覺此可怖之貌。漸露惡意矣。勉爲自然。曰。牧羊者也。今方牧於野。希南曰。是耶。是則或可用吾。吾頗長於此道。女曰。恐無須添人。然且待衆旋。或將留若。希南盡吞其麪包。一躍至女前。猛白衣底掣其鎗。曰。小子。子乃欺吾。吾未見有牧羊者。若曹掘金者耳。速告吾金之藏處。否則立斃。女大驚。強作鎮定之態。曰。余言真也。希南曰。謊耳。果然則何。余未見一羊於原野耶。必金耳。今余與子祇有二人。余後尚有多人相候。余已止之。子速告余。余必釋子。否則衆入。子其殆矣。女曰。並無金。我儕實一牧羊者。希南猛見桌上小包。卽賈昨夜。

爲女所備。而女回擲之桌上者。希南撕視。見諸物大喜曰。是卽羊乎。吾早知子必歎吾也。是其盡乎。尙有何在。女曰。此其是矣。吾儕方將他往。故包之。希南進逼。女退倚於壁。希南曰。吾須再搜子身子。且傾衣袋。女瑟縮欲退。而抵於壁。希南又以手壓其肩。女閉目略一沈思。卽傾其袋。小包墜於地。希南伸足蹠而拾之。曰。盡乎。女噓氣曰。無矣。希南納小包於己袋。女雖知包內必要件。然以或能救賈弗雷之故。亦勿顧矣。希南閉門。再四視屋內。曰。必盡於此包乎。女曰。斯其盡矣。汝乃不能少爲吾儕留一二乎。希南笑曰。吾爲一慈心之人。不再迫子。吾今往呼衆入。然一語囑汝。衆入勿告。以吾所得。仍以牧羊對之。吾亦必爲子遮飾。切記切記。女勉點首。見希南盡納所刦於裏衣袋中。微笑自鳴得意。又顧女曰。吾雖往喚衆入。子必緊記吾言。以牧羊答之。再熱麪包數塊。若儕皆餓矣。於是拔關而出。將出又回顧曰。子知小包內何物。女搖首不答。蓋諸感俱集於此小包。今失之。方心痛如萬箭攢心也。希南又曰。子何名。女低聲曰。龍南特陸頓。希南遂出。隨手闔其門。女如釋重負。噓氣者再。趨爐前備食。猛

見賈之獵鎗倚於壁。幸賊但知索金故未顧及。遂實彈匿之空酒瓶堆上。復置連發銃於醬盆之間。正在忙碌。忽隱聞屋外微有足音。止於屋前。急窺之。窓隙則又無所覩。不移時。聞賈之噓。自遠而近。驚駭之心。頓爲驅諸腦外。急取獵鎗。半啟屋門。賈聲愈近。女陡覺危險將立發。急狂呼曰。賈弗雷。賈弗雷。注意呼聲未已。鎗聲隨起。見門前矮叢中。煙霧頓時繚繞。女卽舉鎗擬煙發彈。同時亦聞賈發鎗。矮叢中有一人躍起。其手中鎗突然飛墜。蓋已中彈矣。女盡忘生命之重。狂奔而出。一彈迎面來。此奔適足以避之。而彈遂自頂上過。於時賈連呼郎尼郎尼。飛奔至女前衛之。曰歸屋歸屋。速歸屋。童子茲事授余。彼等置余手中可也。女嫣然微笑。兩頰起旋渦。令人觀之。覺此時似非爭戰中也。復實彈列於賈側。此狀殊令敵人易於發射。賈已覺之。卽以左臂推女令入。復以身蔽之。然其身尙未旋正。一彈突貫賈臂。女失聲驚呼。立發其手中之鎗。而驚呼聲之回音。返自短叢。足聲呼聲雜起。一彈又自不能見之敵手飛出。然是時賈與女已入屋。雙雙對門而立。向外呆視。約一二分時。女始神定廻顧。

見賈面色白而氣象嚴肅。唇齒緊關。目視門不稍瞬。然微喘曰童子受損乎。女亦喘而答曰否。否。吾未傷君何如呀。賈弗雷君臂。賈曰郎尼是無妨。是無妨。子且寬心。此門頗可持久。惟不知彼衆究有幾何。二人相語俱以低聲。女歎噓注視賈血盈衫袖之臂。曰吾。吾不知想必不少。賈點首。又至窓前窺之。並無所見。遂閉窓。至女前握手附肩。曰子毋驚。事猶未已也。渠輩雖衆。吾輩可自門隙發鎗。或有路過者。聞聲必來助唉。郎尼。吾等必以死守之。女推起覆額之卷髮。欣然微笑。毫無懼色。惟目屢注賈臂。二人並立寂然。稍頃。又恐敵或自後攻入。賈急入內室。窺於隙。仍無覩。想敵必俟諸夜矣。女亦目注竅隙。耽耽不舍。賈取勃蘭地傾入錫盃。置桌上。曰郎尼飲之。女手將及杯。忽縮回曰。非是器。非是器。女覩杯而顫。意謂是杯曾爲盜飲。染其不潔。勿能再用也。賈復取一杯。女遂飲少許。芙蓉粉面。頓泛海棠之色。玉體微搖。如風動之荷。倚鎗閉目似醒似醉。賈面現驚恐。急抱女視。有無傷。女力掙脫其懷。曰吾無傷。吾未傷。傷者君耳。呀。且視君臂。咄伊何聲。時聞馬蹄聲。自近漸遠。賈沉思移時。曰渠等

去矣。否則必詭計也。郎尼吾且試之。遂戴帽於杖。啟門探杖。許久未聞敵彈。賈曰。去矣。游騎必不耐久。守言雖如是。二人仍不敢出。復閉門以備之。賈曰。且告吾何遇。女曰。非其時也。余氣尙未舒。神尙未定。唉。賈弗雷君之臂。言訖。卽以手巾裹創處。賈感激不已。手拍女肩。意甚親切。待久之。賈不能再耐。曰。童子余必冒險一行。渠等不衆。彈必不多。否則余亦寧受之。女曰。不可。不可。君勿出。然賈已徐徐啟門。女力奪其臂。且堅握其鎗。賈俯視女面。微笑曰。童子膽何在乎。是行必無危。試思渠等見子之奮勇。救余。且竭力發鎗。豈敢久持耶。郎尼鬆子手。吾願出。不願閹閉。受戮子任吾行。吾必無害。女聞言。細繹其理。覽困守。終非長策。賈言是也。況賈意已決。遂釋之。

第十章

賈旣出。堅握獵鎗。鎗口向短叢。徐察屋之四週。敵影已杳。惟地上留其來去之步痕。雜亂可尋。一堆偃足長草。俱倒伏不起。而相近賈步痕。有二人足影。一人似曳一重物。血殷濡草。點滴狼藉。再遠達竹籬邊。遺二三馬蹄影。賈不覺啞然失笑。蓋初不料。

來者祇有三人。而又已爲郎尼傷其一。更何足懼哉。遂荷鎗返屋門。初女見賈出。爲之汗下。及見其入。急曳之近身。把臂觀其再復受傷否。賈推其手。揚聲大笑曰。郎尼。吾子須知來者已盡去矣。來者祇有三人而已。爲子傷其一渠輩必知二良善者。足以敵四匪人。故不如走爲上策矣。今可告余。頃何所遇矣。女曰。尙非其時。待予先視君臂。予不喜見血影也。噫。賈弗雷君爲護予而受傷。君救予矣。賈曰。此言差矣。郎尼。子知子之救余乎。子不發鎗而傷之。渠必再擊吾。吾命休矣。予見其自矮叢躍出。而突棄其鎗。噫。郎尼是卽子之救余也。女面轉紅色。報曰。余救君乎。君且坐。遂曳賈入內室。接之臥於己牀。爲之去衣而露其臂。臂已滿血。如染朱漆。女咬牙忍顫。取水洗創。賈微笑曰。郎尼。余之感覺。子殆一良醫。或且似一婦女。女低首不令見其面目。洗既。俯察創口。賈閃避曰。彈尙留於內。女微喟曰。知之。余能探得之。賈出小洋刀露其鋒。授女曰。可割出其彈。彈在此。適緊貼外皮。言時。自捺彈之所在以示女。女面色頓白。呼氣喘然。微展其唇曰。吾不能賈。曰。膽小哉。是必不傷吾。余因不能自割。不得

已而煩子耳。卽此一割可矣。女曰。是則君且睡穩。遂俯觀創口。緊咬銀牙。纖指捺彈。而力割之。皮劃然開。彈立迸出。女一聲狂呼。而哭伏於賈身。賈雙手撫其卷髮之首。笑曰。郎尼。子實宜爲女。女雙手瑟縮爲之裹札。旣畢。卽力撤令臥。賈曰。今可告吾何所遇矣。女乃以頃事告之。且云失其包裹。賈曰。其中不下三百餘磅。郎尼。是皆子之所有。子之金也。惡哉。賊苟刦余金。余失之亦無傷。奈何今其爲子之所有乎。女曰。無傷也。賈弗雷得君安足矣。賈曰。別有所刦乎。女一再躊躇。決意不肯以小包告之。總之賈安卽願足矣。答曰。無他。賈曰。固亦別無可刦。苦哉。郎尼。子母傷。余必再爲子求多金。余意子方將大有爲於世。金實在所必要。余則無所用之。余淡於逐塵之想久矣。賈寒熱漸作。發音漸沉。女覺其爲狀頗惡。遂出煎茶飲之。及日落夜深。賈狂言囁語不已。女跪伏其側。抱其項。見其雙眸緊合。喃喃曰。無名無名。諸事皆空。世無其理。不必言矣。難難。余實無過。或余父母之誤耳。余生乃無名。終身遺羞。咄咄。惡運加人。是乃余之運命。余之運命乎。郎尼何在。吾愛郎尼。童子何伶俐。乃爾。千中不能選一。

也。然渠必離余。應離余也。余乃處處遇惡運。再會再會。余乃終有此樂事。尙能得唯一之良伴。可愛哉。郎尼悅余。且救余苦。哉童子孤身留於野也。余必與之金渠。必能自善其生。伶俐哉。此子惜乎。余將獨居矣。郎尼再會。郎尼再會。女俯聽其詞。一語一抖思吾久知是人。獨異於衆。今又與已相倚爲命。賦性之奇。從未見之也。其囁語所述。雖勿能解。觸女心酸楚萬狀矣。且彼不自顧已之苦。况而獨諄諄爲吾設想。此又世所罕遇者也。一點靈犀爲之震動。不止緊抱賈項。首漸俯櫻桃小口。柔薄猩脣漸及於薰炙。如火之額。而吻女亦不自知。其所以然。微覺耳震心躍。紅徹髮根。急思離之。見賈呼吸徐徐。知其酣睡已熟。遂不敢離。仍伏其旁。雙目注視賈面。噫。人有幾許精神。寧能久持長夜。女不覺神倦。雙目緊閉。首伏賈胸。深入睡鄉。雙手猶堅抱賈頸也。

刦盜三人爲女傷其一。希南與友扶傷者於鞍。共超騎疾馳。沿途不敢或止。逃約十餘里。始息。視其傷友。見創在肩頭。並不危險。希南意得。而二人皆垂頭喪氣。是

於距伯羅辟格不遠一僻靜之野林中。希南燃火繫馬。假爲親熱以慰其伴。二人裹。氈臥。希南亦效之。及二人鼾聲大作。希南出袋內小包去火漆印。啟視之。見第一紙爲英國銀行之五十鎊紙幣。心中大樂。再觀其次。則一紙婚書與二紙誕生證書。婚書之名爲愛特墨特裴新登與瑪蘭白拉。其二誕者。則爲龍南特與康斯登斯裴新登生日。下有短述。署名者爲喬治霍飛。其言謂是數紙爲愛特墨特君所託也。希南握紙沉思。裴新登三字似曾在何處聞之。似在祖國時聞之。豈卽彼尊貴之巨族史泰保羅裴新登之族名乎。希南思及此。額骨漸紅。目光漸大。覺此事誠大奇。而有無窮之趣味在焉。遂藏紙於袋。以肘支首。視二人皆已睡熟。而一又受傷。易於被擒也。己既有五十鎊之紙幣。又有未能決其有價值否之三紙。且身畔尙有金。何必藉友爲伴。或反受累。不如棄之。於是暗起解馬跨之。徐行至二人勿能聞聲。卽揚鞭疾馳。向伯羅辟格。

第十一章

薛特南晨起徘徊室中細察是否夢境此身現究爲克拉克氏之書記一星期入數十先令而居勃羅斯培乎抑爲史泰保羅堡之上客且襲嗣乎面色灰白含怯色顧室見金璧輝煌器皿陳設色式珍貴較已之蜗居大相逕庭不覺舊感頓起念及日前種種苦況神傷興滅誠所謂舊事重提不堪回首也耳畔忽聞鈴聲有叩門者答令入哥特累入低聲曰已爲君備浴水遂取薛所拋擲於椅之衣薛自慚自怒曰是是余祇有之一襲也僕曰知之僕爲君刷淨之以待浴後穿著此間爲一小著衣鏡薛領之見僕盡傾衣袋內諸物於著衣檯而後抱衣去薛至檯前取鏡壓銀簿乃入浴室哥特累已俟於室傾水問溫度適合乃閉門出曰僕爲君備咖啡待君浴後飲之既而薛浴畢歸臥室見衣已潔無點塵一鑊嵌入時之小桌上置一銀咖啡杯及圓形麪包數片而牛油則盛於細磁器僕傾水於面盆列剃刀及銀背髮梳刷於旁曰須侍應否薛曰無須余能自理曰諾君以何時早餐望賜示之蓋餐須於一句鐘前備之薛告之且示意令出哥特累極示恭敬薛見其侍立恒下視其目也僕退

薛始穿著意謂賤價之衣待繼之靴六便士之帶固不必用鏡亦勿宜有僕侍也穿著既竟徐步下梯見大厦連椽可比之爲大禮拜堂惜乎無悅耳之歌聲耳總管已侍立待之鞠躬曰先生早安言畢引入餐室餐畢薛命備雙輪車至史泰保羅市吩咐後徐步入園冥想及彼古舊之裁判所已苟不遇此好運則此時方將奔逐到庭探其有無新案而今則遨游自得寧非幸事沉思茫茫信步而行莫知所止花徑曲折花叢深處忽增一畫中人焉蓋薛步出幽徑兩旁奇卉異草或放或含嬌紅雪白朵朵迎風而舞荷渠蓮味陣陣觸鼻以香陡見密林深處結一釣牀一女郎斜倚其上雙鉤宕蕩玉臂扶粉頰一縷香魂深入小說叢中不知客之蒞止也薛停步癡視見其青絲柔細披拂風前而紅如朱漆雙睫同色而稍淡脣薄如點猩紅薄棉之外衣潔不沾塵體態細弱雙臂過長以若是之嬌軀而配以如是過度之長臂殆造化戲之也女初未覺有窺者在側及經薛之耽耽注視始微有所覺微展秋波自紅睫中斜睇來客女之妙目又與其藕臂作反比例眸子作蔚藍色映以嬌紅之濃睫別

開生面。另具勾魂攝魄之特別能力矣。女徐下佇立待客。問薛神魂飛越。茫然不知所措。又頃勉強脫帽致詞曰。有攬清興望恕唐突。僕初未知園之有人也。女徐吐嬌音曰。母須云恕。君未攬吾祇。有吾之濃閱小說。未見君入。未早迎君耳。其實此間亦不甚有人來。薛曰。果耶。余爲一初來之客。不辨路徑。不知由此將何所至。曰。將至余外祖母之屋。然後出園至馬路。君但須過屋後經小密林。卽俗名矮林。卽至矣。薛微笑曰。卿家不在此乎。女微咬其脣。曰。余來此訪親耳。余家在倫敦。薛見此美容。恨不能生吞之。是以故延其時不肯卽別。曰。此行諒必頗愜於懷。女得意曰。唉。余最喜之。且終身望多若是之行。薛欲有所言。而莫知所旨。勉答曰。母乃寂寞乎。女舞手如紡車。曰。然。然三日以來。閣下爲第一來客也。君欲至馬路乎。果爾。余可指導。君曰。多謝厚意。余將返舍。然尙未知卿外祖母何姓。女微笑附髮。知薛意在問已名也。答曰。姓法。侖薛曰。然則卿其法侖小姐矣。女笑曰。君誤矣。余母斯爲外祖母之女。余姓雷痕。名藍溪兒。余讀於家政學堂。今方休假來遊。以休養余之傷風疾。君尙有所問乎。言。

畢弧犀微。展薛面頰。顧視兩旁花木以掩之。徐又曰。請恕余非余喜問。實欲知卿芳名。備便時過訪耳。余姓言時。高昂其首。曰爲裴新。登名薛特南。裴新。登言畢。女殊無驚異之色。徐徐曰。哦。君居薛急。曰。居於堡卿。……（意欲言卿之外祖）急易詞曰。法侖夫人之夫。役於堡乎。女曰。我外祖乎。死久矣。吾外祖母代爲守屋。而經理其遺事。其臨終時。余尙未生也。吾外祖居此有年矣。薛曰。是誠可悲。數日後。余願一見卿之外祖母。是時花房門啟。一長身老婦立門前呼女。其面色憔悴而多縐紋。髮雜花白矣。女曰。君欲見之。此其是矣。隨高聲曰。祖母兒在此。欲兒同歸耶。老婦曰。然。藍溪兒汝與人俱耶。薛低聲曰。渠豈盲乎。女點首。答其祖母曰。然。一先生也。遂與薛鞠躬。其實一點首耳。卽趨婦前。薛答禮畢。悵然返。藍溪兒攜釣牀於手。信口微吟。扶盲婦緩武歸茅屋。婦且行且左右顧。雖不能見。似有所覓。且靜聆足音。脣動如自語。旣而問女曰。藍溪兒。汝與俱者何人。女止吟曰。一少年來自堡中。想係堡僕。渠問兒以我儕事。甚多奇語也。婦低聲曰。渠何姓。曰。呀。渠何姓。兒已忘之。其姓頗長。似爲裴新。……裴新

登是矣。此其姓也。婦旋其不能見之目。顧女曰。裴新登乎。手附其脣。若有所疑。又曰。非愛特墨特君也。渠已死矣。是必李極南特君也。必李極南特君。然吾聞其亦已過世兒乎。誤矣。堡中再無裴新登君也。女注視婦面。深爲詫異。曰。祖母所論者何人。渠告兒。謂渠姓裴新登。而其所云之名。則既非愛特墨特。又非李極南特。乃爲薛特南婦。仍疑想曰。堡中無薛特南裴新登女。更奇曰。渠輩何人。祖母似知之。祖母渠何人乎。婦似有所得。曰。渠必堡中人之屬兒乎。爾不知裴新登爲堡主貴族之族姓乎。此少年必勳爵之親。或爲余所未悉。或余已忘之者。意其人必爵嗣也。女面頓赤顏。如渥丹微顫。吐音嬌聲。低細曰。何耶。勳爵之嗣乎。勳爵之親族耶。兒遇之。覺渠實不甚上等。待之似下僕也。曖昏哉。兒將何以對之。渠將何所見解乎。吾抑何若是之愚耶。祖母言信乎。汝心神常亂。究竟裴新登是史泰保羅之族姓否。婦曰。是。是渠輩覓得爵嗣矣。又慍曰。藍溪兒。兒何得與貴族中人接談。小妮子乃忘己之地位。汝何人而堪晉接貴人。少女恆不識經緯。余非自恕。余苟非冒失者。永未若是也。旣而又低

聲他顧曰汝再遇之宜噤口汝無與渠接談之資格渠一爵嗣也女曰諾兒謹記之言畢櫻脣微綻嫣然微笑憂樂俱含此一笑中也

薛特南既返見車已備屋特亨坐車左謂薛曰晨安僕求君攜往史泰保羅市可乎因適有要事需往故耳君御耶抑須僕耶薛上車目顧駿馬曰請君御之僕不甚善此技律師抽鞭驅車曰君卽日習之矣時廝僕躍上車後脫帽微笑律師顧之曰惰哉傑磨斯小子食多事簡裴新登君君須多與以事母任荒怠也君今晨遊於廝乎薛思在理宜往一觀今乃未往大誤矣顏答曰未也余曾遊於園言時憶及釣網中女郎乃探於律師曰余至矮叢之旁有一壯觀之茅屋居一盲目老婦渠何人律師點首曰君指法侖娘乎曰然渠何人渠告余謂爲一老僕曰然渠於君家頗有關係其來居於茅屋時年尙少艾渠曾爲勳爵之二弟李極南特及愛特墨特之乳母曰其年恐較其貌耄矣曰然瞽者恒能善養餘年也渠爲最忠於堡之僕故伯爵憫之罷其役而與以君所見之屋苦哉老婦君曾與語乎薛答以未律師曰未語爲佳

渠語多無理。數年來似得心病。而其語多雜亂無味矣。曰苦哉老婦。余喜見其尙能安樂度日也。今晨余且因而見其外孫女。曰一紅髮奇目之少女乎。唉是也。僕近聞其居於其外祖母處。語少止。約一二分鐘續曰。法倫娘之心病。即因女之母而起。僕略以渠之小史爲君述之。藍溪兒之母爲法倫娘之孤。故法倫娘萃全力教育之。唉。裴新登君乎。豈知因其美教育上。遂竟留我人今日之談柄矣。君須知僕極頑固。平生謹守樂天主義。此義在君必不以爲然。噫。僕何所論。曖論藍溪兒之母也。渠抱其美教育而覓其自樂之道。其道維何。即隨一居於堡之少年私婚而遁。少年雷痕其姓。光棍其業也。法倫娘之女受欺而不覺。反樂隨之。其後在藍溪兒將生之前。其夫被囚於屋。特培雷其罪爲假冒抑私鑄。則已忘之。女乃復歸就其母。而遺其孤亦留其蛻於茅屋而去。薛曰。苦哉孤女。然渠似不居於此乎。余見其未悉余姓也。曰其祖母傷其女之死。不但失其目。且增以心病。故伯爵託此女於人。而令携之倫敦。薛曰。女今在家政學堂讀書。律師微訝曰。然。僕猶憶之。君豈曾與語乎。薛面頰曰。曾略與。

數語。律師嘲之曰。君以爲渠甚美乎。其紅髮奇目。別開斌媚之新式也。然少止。又曰。僕頗不以爲然。猶憶及狎友輩恆贊之不遺餘力。且時引爲談助。而僕始終反對之。薛曰。是非余所知也。其父後究若何。曰。僕所知者止此。總之入於囹圄。終難得出。恐死矣。然女猶未知其父之入獄也。噫。僕將何止。止於銀行前可矣。謝君攜帶他日有所委託。其送信於僕居乎。苟或親臨玉趾。則更爲歡迎。言畢。授鞭下車。曰。裴新登君晨安。君今晚飲於藍許雷府乎。薛赧顏呆想。蓋方心醉於紅髮女郎。飲事忘之矣。答曰。然。律師曰。甚佳。復步近低聲曰。君今晚必甚樂。惟毋忘僕言。僕已爲君致書克拉克氏。告以君之辭職。君可毋慮矣。余敢云。他日君往。渠輩必不勝歡迎也。今晨將無所用。僕然乎。

第十一章

屋特亨恭立語時。高街道旁肆人。皆移其交易之目光。自店窗外窺。注視此自堡而出之駿馬高車。及車上之少年紳士。雜貨商人。玭澣君語其鄰。其鄰適亦啓門出視。

曰美哉紳士乎。鄰曰然。其外貌不但長身玉立。諸凡無不盡合。觀瞻也。聞渠係來自倫敦。爲一寒苦子弟。今非一躍入青雲乎。佳哉。此間又多一主顧矣。薛特南入銀行。行夥肅入總理室。款以酒點。旣簽字於用款簿。行夥即鞠躬送出。薛受他人禮遇。當時雖覺跼蹐不安。過後頗以爲榮也。又入一成衣店。店主及夥伴爭起讓坐。敬禮維恭。薛指令速製需用各式衣服。且四顧座中。傲然掩其怯態。曰今晚余需一合宜之服。余因忽促自倫敦來。竟遺之。店主諾諾連聲。惟謂現無存貨。云下午必能備之。此時正在工作中。吾儕必竭力令不爽時。刻承君下顧。不勝榮幸之至。至於價值。望勿急急言。時又加以搖手。續曰可登之帳上。僕時時來堡。可隨便付給也。先生晨安。凡薛所至之肆。無不足恭。惟謹薛之腦筋。陡增幾許。傲人之思。一則因見市儈之耽耽注目。詔媚奉迎。一則因胸伏銀簿囊。挾新桑佛林金。及鈔幣。若許異感。頓易寒酸之態。爲財奴之氣矣。此時趨炎逐腥者。較遊堡時猶衆。高街上薛之足痕所踐處。無不聞『君應知此爲爵嗣薛特南君』之聲。良可嘆也。旣而薛自御而返。於途尙稱平。

穩。惟一二轉灣處。驚呼失色。致令傑磨斯在座後。握拳切齒而已。薛進膳於書室。伯爵並無所傳語。蓋已儼然薛爲主人矣。餐終。閒步廳廊。向晚凡日間所購之物。一由肆商送來。哥特累取晚禮服送入。知必即欲用之也。薛競競更服。而照於鏡。顧影頗悅。自語曰。似一紳士矣。然薛旣更其衣。手足瑟縮。莫知所以措置之道。勉爲自鎮。語總管以己今步往爵府。屆時令備車來迎。總管曰。諾。僕必以車來迎。惟不知須在何時。薛曰。照常可已。其實亦未知照常者何時也。旣而薛行抵爵府前。已心躍面頰。由管門者迎入。代除帽褂。愛特華適散步歸。薛見其服男爵晚服。以代其燕尾禮服。於禮誤矣。二人相見握手。愛特華曰。君來兮。善哉。時竟不爽。望君一飽而返。欲領略車釐。酒及苦酒。否佳哉。請入余私室。遂引薛入廊側一斗室。室中器物雜亂。視若武庫。壁間滿懸槍刀鎗銃。舉凡今昔時代之武器。莫不集而有之。倚壁一桌上。置香賓酒。一巨瓶。酒瓶架一具。細磁及玻璃酒樽數套。菸斗。雪茄及紙煙。則遍處皆是。愛特華曰。欲車釐乎。抑勃蘭地耶。車釐耶。諾。且啓勃蘭地。君見余之玩具乎。大集合。然乎。

人多需用之。君喜玩戲乎。然君必喜之。薛張目結舌。勉覓句答曰。余不甚喜之。亦不甚反對。愛特華點首曰。余意君不日習之。此間無以消遣。實足令君眉蹙。或且加以罵詈乎。然乎。吾儕可入客廳。餐鐘鳴矣。去去。於是隨口作可嘆之微吟。引薛穿廊入客廳。薛見內容較外觀爲優。尙非一落千丈之勢。坐尙未安。有凌波微影。激入眼簾。依佛小姐隨入也。曰。裴新登君。貴體安否。吾儕之獨居。君所知也。望勿晒我簡陋怠慢。薛喃喃不知所對。侍者進告食已陳。愛特華啓其洪音。曰。裴新登許我妹同席乎。薛聞稱裴新登而不君。猛喜過望。豈若曹果願引己爲摯友耶。餐室不如堡中之廣。且頽喪無彩。然薛已視如金壁輝煌矣。三人就坐後。並不拘禮。愛特華瀟洒放浪。笑談自若。對於坐上客。如已相識經年。依佛雖不多言。而對於乃兄之諺譖。亦飄犀屢展與薛談論。亦示友誼。肴饌較之堡中似稍簡略。惟盤碟則薛識爲古器。桌上陳設精緻之花。薛意是殆依佛親手所摘也。席間薛漸除怯狀。談論漸活動。旣而依佛離座。愛特華即起爲啓門。薛起立已不及顏爲之頽。蓋知在理。宜已爲之也。愛特華歸。

座。曰裴新登守量耶。此間尙有剩酒。何不消去。盍啓紅酒。杯中尙有勃蘭地。試盡之。不能乎。請授余雪茄。君觀是間。何如喜居之乎。天乎。必思所以醒酒。君苟欲得野味。請一注意於獵犬。彼伯爵久未出獵。約已有年。我儕則杖頭恒給於獵。故森林乃半若我有矣。君何如是之不能飲耶。請再進酒。君可荷鎗從獵。及射。薛靜聆此醉語。覺此貴族少年。向余嘵嘵不已。不以爲厭。不知余日前猶在律師之寫字間也。此時薛面亦漸紅。目光灼灼。曰。然。余必盡量。言時見愛特華飲無量。恐聞言必更迫飲。故續曰。惟須請君助飲。君豈不知余爲新客。愛特華斟滿杯酒。點首微笑。曰。余知之。必助君。余知君必不善用錢。噫。言過多矣。依佛何爲耶。言畢。和椅倒地。薛竭力扶之。於時依佛適入。此煙霧飛騰之室。見杯盤狼藉。人仆於地。乃嬌聲曰。愛特華咖啡已陳於客廳。愛特華徐起。頰如塗血。目將滴酒。是應然也。依佛知之矣。吾儕即來。裴新登再飲一杯。旣復擲手中雪茄。曰。不必可止矣。遂入客廳。依佛各授以咖啡。愛特華散步窓前。徐就椅睡。薛持杯立。膽氣稍壯。依佛曰。裴新登君。喜聞音樂否。即趨批阿。

拿而歌。歌聲婉轉。迴旋薛耳中。不能再容。既而薛四顧呼氣。至琴前謝之。曰承蒙厚待。恕僕初知。不甚解禮。依佛明其意。慈心柔腸。更憐其愚。曰余知之。君居堡覺異乎。薛急曰。固也。大異於余向之所居。令嬢須知。余本極貧。祇一法律師之書記耳。知余之爲人。則將何能爲可知矣。且余居實覺寂寞也。依佛聞之。不甚稱奇。曰久必安之。余頗知君之不樂。裴新登君。請時過敝廬。以解愁悶。薛赧顏無詞。稱謝告辭。愛特華適醒。呵欠曰。哈。將去耶。曾聞音樂否。裴新登君。去前必再飲。且吸煙。請來余私室。依佛曰。裴新登君晚安。余不欲愛特華留君過遲也。薛鞠躬辭出。隨愛特華入斗室。二人復飲。愛特華飲不休。幸車待已久。薛再三告辭。始獲脫身。愛特華送之登車。曰老友。請時相遇。從永久歡迎也。言畢。思散步。即隨車痕行。薛飲酒過多。思潮狂湧。思依佛之美秀色可餐。可愛之至。其待己之厚親。而且切。其微笑含情。令人魂消魄醉。然彼兄妹二人。兄溺酒而貧。妹貧而樸。己則史太保羅之爵嗣也。嘻。非但引以爲友。薛特南。或。且。得。彼。妹。爲。妻。也。薛心事層層。如轆轤上下。竟忘其驅車。旣而微醒。急驅車行。

忽見車前小巷中。有一美人之影。樹木蔽之。故不能得其容。既近視之。則紅髮女郎。藍溪兒雷痕也。女見薛。趨步而避。薛帶酒忘怯。見其欲避。又兜起晨遇之情緒。曰。雷痕小姐晚安。女俛首答曰。先生晚安。車逼近。女前薛曰。美哉良夜。女遲疑須臾。答曰。然先生余勿能多留言畢。逸薛目送其行。睹此異變。微笑曰。已知余爲何人矣。余燭之。以余心鏡也。美哉。妮子樸實溫厚可愛之女子也。薛自以爲得甚。不知其所謂樸實溫厚可愛之女子。已待而望之於最後之二句鐘矣。

第十三章

薛特南居漸習遍體鮮麗。初猶不甚忘形。繼而漸侈。倨傲自大。目底無人矣。薛不善騎。圉人白勞特爲選一騎。曰。試之必不墮。是馬性懶。凡高街左右。莫不爲其休憩之所。恐君或將反嫌其貪睡耳。薛乘此羸獸。始猶膽戰心驚。幸白勞特及哥特累。頻頻指導。乃稍壯其步。往謁愛特華。愛見其伏鞍不馳。蹣跚而來。不禁大笑。曰。是不幾一牛耶。雖然。母害也。我儕必能使君善御。今先以一二秘訣授君。坐必直足。指外向下。

領緊伏勿宜跨鞍。俗謬云：「習騎於多墮，知其所以墮，斯不墮矣。」自後愛常邀薛騎。二人交愈密。或遇於衙門外，或集於客廳，或聚飲於愛之私室。凡薛之不合觀聞之狀詞，愛恒正之。薛更感激切心。時或同騎，或愛邀飲。或薛訪愛必直引之私室，相聚之時，威司克及沙大水必一再傾瓶。而夏威拿煙味，恆籠罩滿室。一日午後，天氣陰濕，二人返馬於廄，就而避雨焉。愛特華覓得葉子一包，謂薛曰：「閟坐無聊，何如爲葉子戲？」望勿見，却余今方請教。實已太遲，且試第一次，即可知君善否矣。又笑曰：「吾良友須知是殊無異於數先令易耳。」請視之。於是分牌，薛拈之手微震，意不自安。葉子者，恒繫危機。而今二人則俱忘之。欣欣樂戲之。愛特華曰：「吾儕以何爲注？」噫不可。余幾忘之。君手段不甚高也。且取牌呀。君此張佳哉！真所謂賭運恒及新手。今祇求一點，卽勝矣。君覺其易而樂乎？又頃復視薛，見薛面紅如火，目光灼灼，頻頻點首。自以爲已盡知其秘，可以遊刃有餘矣。斯狀初學賭者恒若是，而愛則多年老手，目無餘子。恬不爲意。久之，薛鼓氣曰：「今可略賭數注。」余已盡知之，愛似不甚喜，曰：「善哉。」

君母受其魔切勿大膽須知余在伊頓實稱斲輪老手今宜略博小注大注余不能應也時雨止衆圍廡觀博薛略勝數先令爲數雖細而薛深喜其幸焉自是日必從事於葉子戲愛特華於勝負之巨細毫不介意而薛特南勝則欣喜如狂負則不論巨細必滿懷憤鬱一日午後愛特華曰君母以小勝負爲意時薛方分牌面赤膚炙愛續曰余見勝負數百千於俄頃者熟矣君苟嗜戲余可爲君介紹入福瓊公會君知其名乎薛急曰曾聞之余頗願爲一會員蓋薛在倫敦久故知之是會自夜之人時至晨八時不閉其門戶限爲穿出入者皆貴族巨商每日報紙上登其招友廣告恒連續勿斷愛特華曰諾余爲君理之可耳盍再弄牌授余威司克可乎請先滿君一杯愛忽停杯於手趨窺於窗薛自其肩後望之見依佛騎歸愛赧曰吾姊早歸必有所遣特依佛已來叩門愛急抓牌納檯毯之下面含愧色顧薛亦已起立遂啟扉曰依佛乎有所遺耶依佛曰馬失蹄鐵然吾騎興猶未闌也愛推門令見薛曰裴新登君與余在此吸煙閒談妹奈何不留舍烹茶余意是殊慢客女對薛鞠躬猛見桌上

杯樽卽蹙眉咬唇與薛略致問候遂退。愛復取牌曰裴新登清興被阻矣盍再戲吾姊最銜恨斯物而日間見之更甚大凡婦女性多若是其意恐余受魔耳盍再戲薛曰盍止曰否渠必不再來余祇慊其過善耳忽頓易傲態蓋憶及薛之卑賤不肯示以隙也又曰裴新登余又負矣意君手中必強盜牌十鎊又易主矣天乎必速轉吾運余已一敗墮地囊底將傾矣薛訝曰藍許雷此稱謂以代愛特華君不知薛費去幾許心思僅得之以爲酬恩而博深交也曰余不急急於金錢不妨緩之君欲向余移借亦無不可愛面紅經時曰多謝厚意惟余尙母需告借觀君似富有然乎曰然余受年給巨金用尙未及四分之一不知宜如何消耗之愛聞此妙問笑仰於椅呼曰天乎是困君乎噫余必有以蘇若困不能用之余必令君用之惟亟雖然是亦非急務暇可爲君指之薛聞之心醉不已自後凡愛之一舉一動莫不傾羨不止矣翌日薛往倫敦凡少年人一朝交泰其返舊地也必歷訪故友舊親或邀飲或聚談以博親友之敬譽而薛則反是其心方痛恨日前之惡運深恥舊時之貧陋故不但不

如是卽向日辦事室之左右亦不再加以新步痕勃羅斯培累更爲裹足棄格蘭特館不居而寓於高貴之惠斯恩特自樂其樂時於窗中遙望史太保羅鎮市笑不合口其性尤喜珍寶在此間購一金鋼鑽之針及扣一金鋼鑽鑲綠玉之指環一金錶及一連環巨金練其餘諸物價亦不啻又購汗衫繫帶細襪鞭銃及魚竿等物不計其數然後欣然返又至其初遇站長處堡僕已久侍矣及驅車歸堡過市時市人莫不脫帽致敬焉旣而晚餐鐘鳴薛易鮮衣而盡以所購各式加之胸前金光燦爛鑽飾耀目對鏡自顧樂意濃濃總管入曰勳爵今晚與君同餐語聲溫而恭然薛之濃興已如澆以巨勺冷水蓋猶憶初見時之慄慄也微聞步聲下梯伯爵扶哥特累肩入客廳衣晚服胸前一巨錶外無他飾薛見之相形間頓覺己之衣飾皆不中繩墨爲之慚汗不已伯爵出其瘦細之手授之曰余見若樂甚惜乎老夫爲二堅所侵不能日夕相親觀若容貌似頗安適薛與握手喃喃不知所措總管入請膳薛尙知扶伯爵就坐伯爵鞠躬曰多謝多謝坐於主席薛對坐伯爵親授各碟旣而含食倚椅

背目注薛面似有所思。薛默然不敢發聲。少頃伯爵強振精神。發其悠揚如鐘之聲。曰余意若必不甚不寧。想另換新景。必覺叫饒風趣也。薛曰無所不寧。僕深喜此間之暢樂。果覺別換境遇。伯爵曰少年自能自樂。其生然必覓所以助若樂其生者。老夫深居有年。乃不能爲若介紹友人。若必能自爲之。以快度光陰。曰勳爵是可不必慮。余已爲前途得之矣。伯爵視薛面。訝然微笑。曰嘻。如是之速乎。薛見此。老冷笑。心頗不安。意伯爵諒已知吾之友藍許雷。不如直告之。時總管等已退出。遂曰勳爵僕已得友。卽屋特亨君所介紹之愛特華先生及藍許雷小姐。僕曾應其邀飲。亦曾訪之約一二次。伯爵曰是耶。藍許雷愛特華先生非余友列。然余並不因而涉及若之交友。余聞渠爲一博徒而嗜酒。家資耗盡。運日敗矣。若苟嗜牌與酒瓶。可覓此惡運於彼士紳中之惡魔。藍許雷小姐可許稱美。薛插入曰勳爵彼甚美。伯爵生平從未遇人挿言。不禁怒目視薛。喉音吐一哼字。薛自知失言。下視雙目。默然久之。伯爵續曰。若所謂已爲前途得友。可否任余發問。如可。則敢問尙有何人。不論其男女。若

以爲與前途有關係者否。余斗膽一問。若不必生疑。請任意答之。余決不干涉若之權力。薛曰無之。勳爵儘可賜。問僕不敢有所疑。伯爵聞辭似喜。曰若令余不勝滿意。若如以牌爲介紹。必能多得少年友人。然惡運亦必基之。余與若前途茫茫。尚在不可知中。而前途多險。累我等者不可勝測也。今簡言之。請示余若意中之伯爵夫人。欲求之名門閥閱。抑市肆屠沽乎。若任意答之。余有所知。必竭誠以告。余意若必求其處於英國之高等地位者爲合意。故猜若意。藍許雷固舊家。卽無產亦無妨。倘余語頓止。薛已知誤乎。曰勳爵。余頗表同意。曰藍許雷固舊家。卽無產亦無妨。倘余語頓止。薛已知其下。謂倘余與若金者易耳。遂鼓勇曰。僕。僕甚憂勳爵之不與爲友。伯爵震肩笑曰。是不足以敗若意。苟非急於從事。則若結婚之前。余已入穸矣。故余亦不必交接渠輩。或則余亦寧願依佛小姐爲未來之伯爵夫人。嫁一旣無財產又無地位之少年。雖然。余恐最後之間題殊足令若受困矣。盍再進酒。是酒藏於堡已三十年。請恕余失陪。代余振鈴喚僕。余已疲甚。聞君之交友不勝掃興也。薛對此如笑如罵之譏。

嘯。汗流浹背。如坐針氈。急起振鈴。此時在薛已。面如土色。心驚膽戰。而伯爵猶未已。
又曰。請恕余。余知若喜珍飾。余斗膽度之。若必以爲壯觀也。余當示若各種珍品於
異日。品皆古代遺留。世世相傳。其價或不巨過於若所備。而式亦似相類。然士紳多
喜御之。他日若厭所飾。余可與若數事。品雖未必出奇。屆時請一加目力也。呀僕來
矣。晚安。

第十四章

薛特南佇立室中。視伯爵去影。心如中毒。切齒咬唇。喃喃曰。必咒之。渠乃以地位之
高下。詈余可恨哉。老狼可恨可恨。願渠早日歸泉渠死後。余將代渠主是堡而稱伯
爵。亦可效此貴族口吻。加人以詈罵凌辱矣。然余必自振言時。四顧於室。復曰。是不
過余之權力不及渠與愛特華耳。是也。余乃失余之權力。渠何必召余於前乎。今又
何致余於卑賤乎。呶呶不已。隨手取酒樽。滿酒於杯。狂飲之。酒經入腹。頓如導火線。
大發其力。竟醺醺大醉。爇雪茄散步。至於草地。是時夜靜。更闌。月色皎潔。輕雲如羅。

花枝弄影。微風送涼。薛踉蹌向法侖娘屋行。雪茄烟味爲之前驅。匿步而立於籃溪。兒雷痕女郎之前。女郎方倚門望月。猛見薛面急曳其潔淨之披肩。蒙首飛遁入園。就疎影中一凳坐。一雙長手抱其一膝。仰窺漏自樹蔭之點點寒星。態度嬌怯。慙氣天然。薛亦追蹤而至立其前。注視久之。始脫帽曰晚安。女急鬆抱膝。起將馳。遲疑間。又止而恭立。俯首低眉。如對嚴師。怯狀可掬。薛愈爲之冥想顛倒。曰雷痕小姐美哉。良夜乎。女鶯聲嚦嚦。曰先生是也。言畢。又將遁。一如前夕。薛急止之。曰呀。請勿行。請勿遽馳。女以目視薛。狀似求捨。曰先生余不宜留此。前夕已誤與君談。雖然。尙未識君爲人。願乞恕之言。時口脂香噴。如蘭如麝。直貫薛鼻。薛曰。卿無須乞恕。爾吾俱係初識。卿自不知余爲何人。卿言無誤也。女徐拂披肩。拊其繞頸之紅髮。曰先生意若。是乎。是殆君柔腸所發耳。君善者終身必懷。慈念薛欣然微笑。曰且稍坐。略談數語。余可坐乎。女囁嚅曰。是烏不可。是君之坐位。是間無一非君有也。薛赧顏曰。尙未尙。未可稱。遂就坐。意欲與女並肩。女竭力引避。然狃於橈祇。能勉使衣服不相接。薛曰。

清靜哉。雷痕小姐余恐卿在斯不勝岑寂也。女斜睨薛面曰先生是也是間除吾外祖母外無可與語而渠則或經時不語或一語竟日余殊少有外人之音入耳然余之意見及衷腸甚願擴充余之耳目所接薛曰不知卿之意見及衷腸何所懷耶願所接者何等人乎女雙目傍視曰先生余言之望勿見笑余願得一高顯貴富交通社會如君之地位者爲慰此語苟以伯爵之冷峭出之又將謂爲譏誚之辭矣今則不然薛得意非常曰不盡然也卿何以知余之地位爲交通社會者耶女曰先生此一見即可知之前日晨間余一見君而又聞君音卽覺君大異而高出余之地位者萬倍故因君之溫藹可親余敢忘地位之見以圖時相談聚然固不敢忘君之像貌及爲堡之紳士也史太保羅族人貌多美前日君去後余卽憶及君貌與渠等無稍參差也薛聞言心曠神怡歡然曰族人貌同天然之理也雷痕小姐卿尙未告余卿之意見及衷腸女曰先生勿以小姐呼余名余藍溪兒可矣小姐二字觸耳難聞君苟肯以平等視余請呼余藍溪兒薛曰是焉不能藍溪兒可告余以卿平日之意見

女曰所可告者僅耳。余屢思世界之大。必不能盡飽。余自然。余苟終日閉於塾。噫。君知日閉於塾之苦乎。余自覺不宜受此束縛。久聞士人談論。謂女子欲自由。必須學爲婦人。薛目女微笑。曰卿可達此目的。藍溪兒是非不可爲。亦非奇事也。卿何所視。時女注視薛胸。卽答曰先生請恕。余注視君之金鋼鑽扣。余實覺其美麗無比。卽君之指環。亦何等可愛耶。薛伸手令視女目。不轉瞬。幾欲奪而視之。薛曰卿意以爲美麗乎。又低聲曰卿愛之極乎。曰然。美麗哉。君手殊形可觀。與堡中懸畫中之手相同也。薛徐除其指環。喃喃曰卿愛之極可取之。女狂喜。微笑展唇。目光灼灼然急佯爲引避。曰呀先生呀。裴新登先生。余何能妄想得之。薛強捉其纖手爲扣之。曰何不可。之有。余尙有且多。卿御之亦可藉憶與者也。卿解是意乎。女復持下。持向月光下細視之。曰呀美哉。然余決不可取之。裴新登君。君何以與余乎。余祇一貧陋女子。一君之從僕。薛止之曰母妨。卿意殆謂不可受而無答耳。是則卿亦可與余以物。女迴眸視薛。曰余能與君物乎。先生。余將以何物與君耶。余必不可取之。今且暫藏待明。

晚。再。見。而。歸。趙。願。君。仍。以。時。散。步。來。此。可。乎。薛。曰。諾。明。晚。余。必。再。來。然。指。環。必。不。再。收。回。卿。離。余。後。卽。御。之。然。以。爾。我。之。友。愛。余。望。卿。久。留。之。女。喃。喃。曰。呀。裴。新。登。君。待。吾。厚。哉。此。時。二。人。漸。漸。引。近。衣。服。相。接。薛。可。以。迫。而。觀。其。貌。矣。薛。曰。卿。尚。未。與。余。以。物。女。曰。呀。無。之。先。生。何。所。欲。於。余。乎。遂。出。一。鉛。筆。一。針。箍。曰。余。所。有。者。盡。於。是。矣。裴。新。登。君。須。知。余。一。貧。家。女。子。不。若。君。之。富。且。貴。也。薛。屢。經。女。紅。睫。之。目。流。盼。情。不。自。禁。面。紅。耳。熱。微。聲。曰。與。余。一。吻。言。時。伸。臂。潛。抱。其。胸。女。忸。怩。推。拒。然。欲。離。反。迎。漸。仰。其。首。薛。俯。吻。之。屢。女。倚。於。懷。者。有。頃。忽。如。受。震。微。呼。躍。起。奔。入。茅。屋。既。至。門。前。復。回。身。目。注。於。薛。滿。面。羞。慚。潮。霞。暈。頰。與。髮。睫。同。色。薛。中。心。如。焚。然。欲。引。近。則。女。又。退。遂。低。聲。曰。明。晚。仍。以。此。時。遇。女。狐。疑。有。頃。嚶。嚶。曰。余。必。然。乎。是。也。待。明。晚。遂。閉。門。入。咄。村。娃。羨。富。鄙。夫。貪。淫。求。非。禮。之。慾。則。得。意。外。之。報。薛。特。南。一。叢。人。耳。乃。驟。列。富。貴。之。階。苟。循。禮。自。持。未。始。不。能。爲。守。成。之。子。也。乃。飽。暖。思。淫。慾。不。肯。退。一。步。想。而。藍。溪。兒。不。識。閨。門。有。訓。徒。羨。富。貴。蓋。皆。自。投。於。惡。魔。之。座。前。也。

第十五章

嬌婢晨醒。見賈已起坐而已。則爲抱於懷。二人如在夢境。目光相接。初似含驚。繼又懷感。移時。賈釋手曰。郎尼是矣。余夢子爲賊所刦。今在是慰矣。賊衆惟欲得子所遺之金耳。女離賈懷。發言以蔽其羞態。曰云賊乎。此來亦佳。君或不以爲然。余則於失金並無所憂。所憾者傷及君耳。賈曰。余實因而得一宵好睡。惟不應所睡者爲子之床。且勞子半夜不寐。郎尼承子護余。然余反曾屢云子應爲女子也。女曰。請君視余如乳兒爲佳。曰否。以汝昨日之態度。已與成人無異。何云似乳兒。昨事余且永記勿忘也。子且休息。待余作一次早餐。女曰。必得一美餐。遂出。女心中大樂。雖失金及小包。因而救賈。且留藏金。則已堪欣慰無極矣。此心地皎潔。點塵不染。之小女子。固不知救得賈。生有何關係。而一縷情絲。已暗中牢牢綰住。從此形影相並。不肯或離。不知有情人。何日方成眷屬也。早餐前。賈出細察。知賊蹤不再至。遂入。謂女曰。吾之乳兒。饗渠輩彈藥過多矣。女又憶及小包。因切齒曰。苟渠輩果已飽嘗之。吾心亦慰。

矣。賈之思想仍念念及金。曰。吾儕速置此事。宜早日從事掘金。郎尼藉可爲子求運命也。女目注屋隅。思運命早已得之矣。今日之餐較往時延長至二三倍。女於座上漸覺忘形。時露其女子嬌態。賈頻目之。女爲之屢顏雙頰。心震戰不已。賈曰。郎尼。余決不再敢離汝。天乎。余何敢忘之。苟昨日歸而見子傷。或竟死。余將永遠失此娛愛之童子矣。惟賊輩既受創。必更銜恨吾儕。宜謹爲留意。女曰。願忘之。今且讓余觀君之傷。遂握賈傷臂。袒之。傷雖淺而痕殊深。女見之。閉目扼腕。心痛如傷。已臂仍以水洗創口。然後紮縛牢固。賈感此細膩之治理。奇之。曰。郎尼。汝可爲一良善之看護者。汝之性質雜含各技也。女不答。忽傾聽於壁。賈亦聞足音。卽起攜銃至門前。武聲近而莫生之巨影入於眼簾。賈笑下其銃。曰。日昨有暴客來。遂以昨事告之。莫生面色沉沉。急曰。進如何。曰。無恙。曰。余特來分之。余等搜索殆遍。終不能得。故衆決欲他適。或至山之彼面。君願仍與我儕相共否。吾儕樂與君共也。賈掘金起。置於桌。與女眉語。女自莫生肩後搖首示意。賈點首。堆金於桌。曰。莫生。謝君厚意。相招。吾儕實無志。

同往君……莫生遽斷入曰是非要題金止此數乎賈曰否余知其中稍缺賊衆所刦者亦在數中卽作爲余之一份君祇須留郎尼一份盡攜其餘去可也莫生呼曰小子不在名列賈面色頓沉女急步至桌前指己份支臂謂莫生曰余不欲得分然君須記今日君不願分余乃余自不願得分也莫生嘲曰汝誠有禮吾儕亦必不忘却也女笑起授茶飲之賈頗不自然茶畢莫生曳金別去賈怒顧女曰小笨伯汝何不取若份余本頗有與俱往之意女捉賈臂諦視其面慾態依依曰讓渠去吾儕可再以己力得之待余整理畢與君攜鋤共往少頃賈攜鋤與女入谷女且行且奔折道旁草花稚氣可掬賈呼之返曰速前若是多費時光矣厭哉童子女微笑噓噓及谷賈四顧撚八字鬚曰余敢云礦已盡矣女坦然曰可視余礦賈急顧女曰汝礦奇哉余爲豎子所玩矣呀是何耶時已行至礦前又曰汝乃研究及之女曰待掘及而始知不幾爲木人耶君知……呀何事蓋見賈啟石縫忽如狂也賈狂呼曰奇哉此間有穴足證汝早已探之矣郎尼郎尼女秋波斜盼從容拾金曰君誤矣君知余一豎子

耳。賈紅漲兩頰。睞女忘拾。女避之石後。賈復拾曰。來。毋費光陰。此礦之所有權。惟天知之。速勤我工。然余知汝必久已爲之。女漠然曰。然。余略探得少許。已藏於屋隅。賈復止視女。曰。此子狡哉。凡童子莫不喜鬼。鬼崇崇藏頭露尾。殊爲惡行。然而子何法攜歸乎。女旋其妙目他顧。曰。余喜折花。賈笑曰。余固略有所疑於筐底。爲其所掩蔽耳。噫。衆將與汝爭。……女曰。賈弗雷。任之可耳。君不憶渠輩。曾云余非衆列。且余又不受其分金。是此礦必屬於我儕矣。賈曰。是言謂屬於子耳。樂哉。此乃奇遇。郎尼子其富矣。及晚。攜金歸餐。後賈曉曉不休。談女將來之境遇。女寫字勿答以阻之。迫令教課。於是日則同工。夕則女伏案讀書。或寫字而賈則含煙斗。旁坐指導之。晝夜無擾。之者有之。則山鳥之鳴穿林之風。墮地之燼。餘沸滾之茶壺耳。二人親愛益切。情好彌篤。形影不離。固如膠漆。賈墮於情網而不自知。女縛於情絲而不自解。一對痴兒。女爲山景增色。惜乎。情海有風波。不令二人卽此而終其身也。室隅之金。日積月累。堆形漸大。賈之籌劃漸歸成熟。一晚語女曰。時機已屆。郎尼子不可不往。女方注意。

功課聞詞不甚留意。曰余不可不往往何所乎。賈曰吾子往英國也。女曰往英國乎。賈弗雷君莫非戲言。賈曰否。余籌之已久矣。試觀是堆其數幾何。言畢目注金堆。女搖首。賈曰爲數頗巨。約有數千足爲子前途之資。用子必有一番境遇。今子……女仍目注於書而寫字。賈曰子在此荒野間。尙未多知處世之道。願子來日多友少年。以增益之。然切勿傷和氣爲是。雖然是爲余之戲言。子必自有表見也。子可安渡抵英。彼銀行商人適將來伯羅辟格。吾儕可往易金爲紙幣。由伯羅辟格至曼爾旁。再由之而渡英。余爲子覓一教中人。妥爲照料。由彼送入學校。必得一公立學校。非是不足以造就佳士。子於彼間可得種種樂境。若打球蹴踘等。以發達體育。畢業後再入大學。或惡克斯福特。或更勃立期。則子之前途必達無量之美滿結果矣。苟不如是。則非余之過也。女拋書曰。然則君將何爲。賈曰吾子余則仍歸務此舊耳。女曰君何不與余共往英國乎。賈黯然曰不能。英國非余所喜。雖或有羨而愛之時。亦必待覓得余……是無甚關係。余不欲作此閒談。亂余思想也。余必盡余責任以導子入世。子

年少而富。形體已具成人之資格。不可不閱歷於世。余送子之伯羅辟格。或至曼爾旁。苟至伯羅辟格而必不得委託之人。余必設法視子。後必不使子再有前日之去而復返也。知之否。女冷然曰。知之。曰。諾。明日既須啟行。則啟行之前。預備方多。子宜卽入內室。女起伸腰呵欠。曰。甚佳。

第十六章

賈屢迫女睡。女不忍違其意。勉移步入內。和衣坐床沿。抱膝俯首。思慮滿懷。不意貯金仍以爲己。從此將棄賈孤獨而至可恨之英倫。況乎彼間有美如花。已苟身入衆香國中。殊難逆料。其無與爭美者也。別離之愁。竟逼傷心之淚。迸出如珠粉頰盡濕。忽思意有決。拭淚微頓。雙足躡步至門後。自隙窺賈。喟然暗歎。復歸榻。臥不成寐。支首傾聽。聞賈往來蹀躞。雖已去其履。女猶聞之。甚晰。女不覺倚枕喃喃曰。想彼爲吾層層布置。直比吾爲袋粉。意同乳兒也。翌晨二人相遇。賈之面色嚴肅。而女則勉爲愉悦之狀。餐時仍如常態。賈推開盆碟吸煙。曰。子今雖靈敏。他日必變。女曰。必變。然耶。

賈曰。子離舊游。思之必愁。女聲色不變。曰果也。雖英必較美此間。然他日爾吾必各厭所居。賈曰。童子恒爲境所遷。女置若罔聞。曰余來日必遍覽君所云之偉跡。惜乎。君不共耳。今可束裝乎。賈怒曰。子乃如是之急。急言畢。悻悻出門散步。女望其背。微笑。又頃。賈入。默然備行裝。行裝之最要。卽金也。賈取大份包之。其量適足。肩荷令女。匿其餘於胸之前後。女不待賈指及。卽止之曰。吾自能爲之。余能佈置一切。而盡攜之。往伯羅辟格。君帶煙乎。若不帶。恐行不十餘里。君將如孩失乳矣。君且坐於屋外。木砧上。則余必能使吾儕於日出前起行。否則。勿能也。遂推賈出。從事包裹時。注目觀賈。少頃。至門前。曰已備矣。盍行。賈入。見女荷包於肩。帽斜覆於首。賈惻然曰。子何不云再會耶。余恐不再見斯屋矣。女四視一週。顧內室曰。唉。是也。賈弗雷喜。君復得床矣。賈至女前。女殊不願見之。蓋恨其以金別離二人之愛好也。女殊未知。賈尙未識。彼爲雌兒。故以彼之前途爲重。勿敢以私愛誤少年也。賈曰。子攜鎗否。已裝子否。女欣然曰。多謝已備之矣。且攜麪包及茶。卽君遺於架上之煙斗。亦攜之矣。噫。行乎。

賈對女之落落無愁不勝酸楚。默然與女行。女且行且歌。或折野花。或投飛鳥。奔逐馳驅。鳥獸逃伏其態絕類稚氣之孩童。既而又易其態。微露女兒性質柔語鶯聲。秋波頻盼以媚。賈或又作無意之間談。曰賈弗雷何爾。吾無一親切語耶。雖然不論如何君必許余爲一善性之童子。賈曰然郎尼是言不謬。予今僅一童子。無可指摘也。今且置之子肩上。包重讓余肩之女。卽授與二人行不止。武必飢餓方稍停而餐。否則不稍休息。賈意必欲以明晚抵伯羅辟格也。旣而日影潛踪。二人就森林休止。是林巨細濃密。賈意不宜燃火。故即於林中冷餐。蓋澳地茶不易冷也。賈掘淺坎厚鋪松針。以爲女之眠牀。布置旣竣。二人坐而閒談。有頃。賈曰。余卽倚樹吸煙。是間並無人跡。想必安然無事也。次晨。二人復上道。女又易其態。旣親且密。情意纏綿。吐嬌聲。而歌令賈樂。而忘疲。或告賈以幼時所居伯雷大斯根潑之遺聞。軼事或形肖莫生王納之鄙狀。或談良夜讀書時之一切情景。賈時或微笑。女又屢談及前次盜刦受創事。賈聞盜事。必顧女呼曰。子靜之。余不憶是事矣。遂吸煙。噤不作聲。行行重行行。

已見行人跡。道旁樹木有傾倒於地者。枝頭之鳥驚步聲而飛。遠聞鎗聲及馬嘶聲。星辰隱約。閃閃有光。一輪紅日。又將轉照他邦。眼簾前見伯羅辟格矣。賈曰。至矣郎尼。今無暇多談。有數言囑汝。苟有人問子。宜謂爲余弟。而欲往英國。在余覓得妥人護子之前。子必緊躡余足。或幸而卽遇英商。易得紙幣。則餘事易爲矣。所最要者。卽云子爲余弟。欲就學於英耳。知之否。女點首。忽忘其所以。曰。賈弗雷君有一妹。否。賈曰。妹乎。無之。子何忽作此想。女頓覺失言。急移步行。思掩其語。曰。唉。無他也。賈弗雷君設余爲君妹。君樂乎。賈目女訝然。曰。余何能答此怪問。然敢云樂之。然觀子實一童子耳。女覺失言。更甚急。曰。二者俱合我等之交。然乎。抵寨時。切勿離余。余甚羞。賈曰。唉。然乎。令余殊不能解。不意子乃有所羞。二人越小山下。已抵寨前。寨中萬聲喧雜。居中一大帳。中有批耶拿聲。及舞蹈之雜沓聲。粗陋之歌聲。歌傳自英國也。賈曰。此爲宴會公所。亦卽寨之總俱樂部。我儕宜投之。彼銀行商人未去。則必在內。於是二人行近帳門。女挽賈臂而前。女並非從未見寨而有所羞。久未踐寨也。近門之歌。

舞者見一人入止而視之有一二識賈者點首歡呼賈佇立遍察於歌舞之羣謂女曰彼商人在此立批耶拿畔者卽是遂引女至其人前是人年尙少衣服異掘衆賈示意於彼彼卽徐隨出帳不作一語引二人入一小帳立於可以見物處目注二人賈與女解包出金置桌上之箱蓋上商人低聲曰君必獲運矣密斯脫賈曰倍而商目賈曰諾倍而君欲何法以移之家鄉耶賈曰予余紙幣商出秤秤金然後計數出大卷紙幣於袋微露其鎗以紙授賈曰倍而君賀君得運不識尙有他事需余乎欲代爲索債否賈搖首問卽日有人至曼爾旁否商曰有之余與一牧師夫婦擬明日一早啓行渡洋歸家賈迴眸遲遲於此家字目光與女遇女已解其意賈勉爲坦然曰是則余欲請君護余少弟願君攜之英國以此紙幣及信往遂以紙幣及信授女令緊藏貼胸袋內復問曰君以清晨發乎商點首曰余能護渠且觀渠亦必能自顧言時點首視女又曰余必攜之英之市鎮令安且樂而牧師夫婦亦必能有以處之君交余可無多慮也賈曰多謝余等可返客店覓一醉三人遂共出飲後女釋賈

臂安睡。彼宴會公所之喧囂猶未止。琴聲連續勿斷。彈者雖半醉半睡。猶狂按不止。及早賈起。挽女出帳。女在未出帳前。已密書一紙。不爲賈見。納於袋。賈啞聲曰。郎尼。時屆矣。余聞彼輩班馬之聲矣。子其善視紙幣及與子之信。信中詳述子抵英後之途徑。彼牧師夫婦必能善視子。而送子入學。願子善自爲之。余心緒如麻。不能多言。望勿忘余女曳。賈袖。強吐其聲。曰否否。余必不忘之。賈曰。諾伊。何物。女曰。此字條也。余有所書。願君勿於返屋之半途讀之。君不允余斯言。余不能與君。賈諸事無不依女。故聞言急伸手。曰余允之。可與余女與之。賈卽納於袋。曰余往觀彼商人。必令爲子備一舖蓋。否則寒子矣。語畢行。女立送其去。嫣然微笑。然面色灰白也。於時有一人自客舍趨出。其人已飲於室。見女而驚異之色頓蓋其醉容。自語曰。此子。此子孤身。在此見女旋身急退伏而窺。有二人牽馬至。賈與商也。商曰。子在此耶。彼牧師夫婦已坐車去矣。余意少年宜乘騎。賈前曰。唉郎尼乎。是言是也。女點首躍登馬背。商亦跨鞍。曰倍而君。視吾護若弟。賈若不聞。緊握女手不釋。曰郎尼。吾子別矣。上帝福。

汝女俯首曰別矣。拋賈手加鞭馳。賈歸客舍對酒。保怒呼曰速啟一瓶威司克。時伏地之希。南躍起咬指沉思少止。立解其馬馳逐商與女之後。二人行數里後。商曰少。年令昆仲有運哉。女點首沿途女東顧西盼。戀戀遲遲。商以爲將別必多戀故並不。加問行稍前。女騎有間回顧。失女蹤矣。商曰天乎。小鬼溜矣。乃策騎返覓一二里不。得。仍旋騎上道。恐失船候也。嘗數聲卽馳往曼爾旁。女於林內見商去樂甚。思不久。又見賈弗雷矣。遂縱馬馳返。約五六里。心中愈思愈樂。想斯時賈必已啟字矣。陡聞。蹄聲相逐。女立勒其轡緩行以待。思是必賈耳。蹄聲既近。有聲呼曰小子止否則余。力能擒若。女回首視之。則彼可憎之面容。前日刦茅屋盜也。

賈弗雷遼女言過半途始啟書。書曰。

賈弗雷速旋屋。余先待矣。

郎尼白

賈閥竟目定口呆。不知所云。噫童子愛吾哉。可愛者童子愛吾於棄之之後。仍戀戀於吾也。於是狂奔返抵屋。不見郎尼來迎。待三日。仍無形影。至第四日急再至伯羅。

辟格於童子中詢之。訪問再三。不得。再趨至客舍。詢酒保。酒保訝然目之。曰。卽前日與君共來之子乎。未見之。渠不在此。賈既不能哭。又勿能罵。反笑曰。不在此乎。恐若未見渠耳。曰。余未見。衆必有見之者。今係寨中童子聚而遊戲時。衆童咸集。君等見此少年乎。酒保對羣人發問。衆傾聽既皆搖首。一人略思之。卽曰。何來是問。余親見其與銀行商人去也。賈曰。亦見其返乎。余意必。其人急曰。余敢以聖經誓之。渠何以欲返。不聞渠係往英國乎。君試思。何家子有願返者乎。賈喟然長歎。思追之。然若追及。不幾畫蛇添足乎。遂離客舍。仰望星斗。曰。此子去矣。恐渠殆變計於後耳。佳哉。郎尼。運隨子俱往矣。行久之。已歸茅屋。覩物思人。不覺終日戚戚懷思郎尼。嘻。天遣鴛離甘苦。並味不有今日一別。無後日之奇聞矣。

第十七章

驚呼聲自女唇發。女回馬就來。希南詫之。見其面無懼色。急注意焉。則見女手潛入衣底。握鎗急曰。吾子此六響鎗宜與吾。此物在少年手中。殊覺危險。諾時女授之。

彼又曰。今吾儕可平安無險矣。固也。平安矣。此語觸余懷。余雖與若友善。然猶憶前日之鎗聲也。今旣予吾鎗。盍再增若情。一傾若袋乎。女取少數幣與之。傾其袋。曰汝何所欲。何所要於余乎。言時脣齒相戰。希南曰。余來護若耳。若且一觀。救若之天使爾。吾不可或離矣。二馬並行。希南一手挽女之轄。一手握鎗。女思長此畏懼。終非了局。不如去愁容。乘隙出心裁。以制之。乃仰面而噓。希南曰。當余來茅屋受君恩惠時。余一見若。心中卽自謂余實愛子。以渠之行爲殊令余起而生憂。觀若猶以爲可愛耶。不知余因是而更恨如切齒。痛詈若友。女曰意……希南曰。意卽指與若久居於屋之人。其人彈余致余跛數星期之久。女急曰。是余也。曰然乎。然余恨渠故屢訪若屋。而俱悉其情。今知若與渠至伯羅辟格。遂欲一試。余手暇。詎知事又中變。初不料余與若能於途安然而樂哉。今竟安然然乎。女點首。索其語思之。是人旣與賈有切齒之仇。則已苟逃渠必舍己覓賈。賈其危矣。爲今之計。無論如何。終以救賈爲要。深喜胸藏未爲所窺。不如忍之。以待其後。行久之。女曰。今將何適。希南觀其面。曰。今子意。

何往。女長嘆曰。歸屋設若肯送余往。余友卽在彼。若可遇之。希南搖首曰。惜乎不能。若已久與言別。寧可復往。女層戰面白。希南續曰。若固一無失。且得一新友。是友較掘工爲有價值。將由淺入深。爲若覓幸福是也。爲若之幸福耳。言畢。自眼角偷觀女意。女默然。思渠究何意。執吾何爲。所云幸福者。何指。忽憶及所失之包。已雖不知。豈渠已知吾父之歷史於包中之紙乎。問曰。今我何往。希南切視女面。曰。若不云往英國乎。女曰。往英國。不覺面白而呆。因英離賈弗雷遠而又遠也。遂掉首不顧。希南曰。往英國。往吾可愛之祖國。少年乎。爾吾莫不以回家得自由爲樂也。方余初見若後。卽得巨運。余意欲引若往。分若以半。而視若如余子。余實有所持。而非謊語。然今且不以告若。若今可授余以決詞。女一再沉思。始曰。余必不離。若與若共往。惟必得若允。讓余友安然獨居。而余至英後勿再干涉。余始踐之。希南釋轄。曰。爾吾分余所云之幸福後。卽任若飄然自由。若空氣矣。余名希南。今宜疾馳。兼程至曼爾旁。爾吾俱欲早抵祖國也。少年猶憶之乎。女搖首曰。余毫無所知。從未在彼也。希南意足微。

笑曰。吾視若後。當令安然無恙也。不久馬抵一小寨。地頗清靜。是夜天氣炎熱。女請於希南。臥帳外。伏鞍於地而眠焉。然心事層層疊疊。何能成寐。二夕前不猶臥於賈弗雷之牀乎。淚如穿珠。斷線紛紛。墮頰。想及賈弗雷返茅屋而不見。余將何所思。何所語乎。朦朧間似睡非睡。賈之音容笑貌。時侵耳目。已亦莫明其所以然也。胡思亂想。天已微明。草草早餐畢。希南卽迫女離寨上道。行程倍昨。惟中夜稍息而已。次晨已抵曼爾旁。女見是城。詫爲罕見。謂從未見有若是之大城也。人衆熙熙攘攘。時擦馬過。女覆帽於額。東顧西望。旣而過一巡警前。希南急探手匿鎗。兢兢答巡警。『汝爲何人』之間。允過卽疾馳。其時女反爲握汗焉。希南引女至市中一小客寓。繫馬於廄。探首於寓之後門。啟之。入於一暗無微光之夾弄。令女前行。又至一門。啟之。爲一起居室。一碩大肥婦。擁桌計金。聞客自後入。喃喃詈罵不已。及見希南。識之。頓沉其面。曰。希南汝乎。余意汝囚久矣。希南瞬視之。曰。白浪娘。余久未晤。若矣。不識可否。留余等宿一二日乎。肥婦迴顧。見女之白面。卽曰。此子何人。此時女心絃震蕩。蓋初。

見己之同類有同極之感觸也。希南坦然自若答曰。吾甥爲吾姊包雷之子。余攜之覓其前途之運。且任護視之責。婦竦肩竟毫無所疑。指對室二門曰。是二室可居之。希南曰。佳。請予我飲食。然後令童子先入室。臥郎尼頗以爲樂乎。女噤不敢聲。祇飲一杯酒。卽伏案寐。婦手附女肩。引入臥室之一。曰。汝爲希南之甥。然乎。余有一言。不敢問汝舅。故今以問汝。究竟渠得何佳運耶。女搖首。婦見而訝之。指牀令睡。遂出女門。門覺目前無希南之影。心爲稍安。遂和衣而睡。翌晨爲叩門聲驚醒。起啓門。一下女捧一大包授女。曰。此若舅與若者也。早膳時屆可易衣起矣。噫。何未解衣而睡耶。女閉門曰。余疲甚耳。檢視包中。則爲一套新海軍服。羅紗之襯衫。麻布之外服。及一駕駛生之帽。女遮掩瑟縮。易去其掘工服。旣畢。對鏡自顧。翩翩丰彩。無異市井美少年。不知賈弗。雷見之。將作何詞也。啟門入客廳。一身長而氣度嚴肅之人。坐桌前。灰色其髮八字。其鬚衣樸不華。女見之。羞容滿面。急欲引退。以初御新服而又覩新客也。然其人見女。卽下其眼鏡。曰。吾子不識吾乎。吾卽汝舅湯姆生南特也。吾言謹記之。

母忘汝易新衣更壯汝觀矣。白浪娘渠不更形美乎。希南未語之作蓋以肥婦適擗盤而入也。婦置盤陳食於桌曰。啞。希南若姊氏必爲若族之美者。女默然餐畢。希南起取其新購之益式帽曰。我等今往船埠。汝宜緊隨余肘。否則稠衆中或致失散。女隨之行。見大城市爲之左顧右盼。其心非奇巨廈美車及各色之店而對於麗服之美女時爲流盼。思是殆卽賈弗雷所云美女無不美麗者也。故沿途但注視於此。至船埠始止。希南曰。此格不立。岡卽往英國之船也。佳哉船乎。我運可託以介紹矣。遂入票房購票時不令書記見其面。二票上卽書湯姆生及其甥。遂出低聲曰。試視近吾有一軍服之人否。女如言四顧。答以無之。希南曰。是矣。余亦不急欲遇渠渠或不在斯乎。汝視旣無誤行矣。出船埠穿小巷行旣疲。雇一單馬車歸寓。入客廳出女之船票授女曰。送汝先往。余尙有事必待船將啓行方登汝可以車往船埠。船名格不立岡。汝謹誌之上船後可就己室臥。待余來可已。女樂離其影故允其言。肥婦又送餐入女餐畢假寐。至天色將暮。希南奔入面白流汗低聲曰。可去矣。余亦即來。余敢。

決渠等必未見汝亦并未及余然有一人視余後嘿聽之女傾耳聞有微步肥婦入以手下指希南喃喃曰知之惡哉苟後一時則余已去矣余必有以處之小子來勿以此途出曳女離室行於一帶紙窗前希南喘息僅續是路甚爲黑暗旣而抵一門希南止而傾聽乃低聲謂女曰余卽來汝可出覓一車先往速速門啓女立於一廣道上車馬行人來往如梭女不辨方向信步而行覓馬車雇之至埠付值登舟船客紛紛擠擠水手忙忙碌碌預備啓碇矣故並無人注意於女又頃送客之親友陸續離舟登岸再會之聲旋溢滿空舟鐘一鳴巨船漸行而希南之蹤如石沉大海渺焉無影女思渠必匿衆中將待人靜殆出現耳久之仍無形影一船僕前曰先生之房幾號女出船票示之僕曰九十一號是矣君行李今晨已送來僕已爲君置之室中請來女隨之入室室中沙發上置一格蘭斯冬式皮包女賴曰吾舅來乎僕詫然視女曰先生問君舅耶何名女曰湯姆生僕曰若已來必待君於客室女卽隨僕入客室覓之不見再遍覓於各艙亦無之女遂獨往英國：自由矣。

第十八章

旣無賈弗雷之護持。又無希南之攜帶。孑然一身之姪娣。遠涉重洋。英倫雖云祖國。而女郎則從未踐足。此行不啻風中之鳶。浪中之舟。茫茫前途。難測後境也。女鑰門坐出賈弗雷之信及紙幣。復納紙幣於胸袋。而啟信。將讀。淚已簾其雙瞳。蓋數日前之心理。猶以爲無需於信也。信曰。

郎尼愛弟。弟知余所以送汝於英矣。余蓋不願汝如余之飄泊一生也。余已告彼商人。以牧師宜送汝入何校。該校美善。甚足以啓汝前途。且汝亦可於彼間覓友助。凡英人之外觀。雖似冷而其心殊良善。况乎以汝之穉年孤苦。必更能博其多數之憐憫。而善視汝焉。郎尼乎。余之離汝。無異茹苦然而毅然出之者。以爲汝前途之價值。較此鉅於倍蓰耳。噫。吾弟。猶憶余所述。英國之風景。若鄉村之芳草綠茵。古樹老屋乎。願汝一一遊之。更願汝注意於一處。是處之歷史。余知之詳。且悉。惟余所以欲汝往之理。今且勿述。意必面談之。然願汝勿以爾吾相見爲念。郎尼。

非爾之不能見吾他日汝將知余之所以見拒於英矣所云之地名爲史太保羅汝乘火車往一遊於古屋而爲余想其究竟即可得其秘矣郎尼願展汝敏捷之腦自成偉人他日余敢決汝必忘此老友而老友實永念不忘其昔日之情也別矣珍重後會有期願天福汝

賈弗雷

女閨竟緊握之貼胸幾欲咽而藏之胸臆既而沉思目前之勢仍不得不續爲其童裝之責務且亦未攜女服卽有之船客衆多易致訛異非登陸後不能也於是三日中足不出戶飲食俱由侍者於半敞之門遞之至第三日晚女始潛行於甲板上是晚天氣清和散步者羣集女欲避衆目故匿於隅星光下盡覩舟客之談笑蹀躞有一事引起女之注意卽濃裝華服燕語鶯聲嬌態依依之同類也女深恐爲所察出不覺戰慄引避又匿不敢出矣舟行數日天氣驟變幸哉女竟不病蓋船暈病亦憐而恕之也一日風浪平靜僕入告船主請與同餐女曰善及時入飯廳男客晚服齊備女賓珍飾滿身侍者引女至船主桌前船主肅客坐曰昨聞吾子狀況余甚願一

見爲歡不幸哉。尊舅竟失此行。余觀餐單君名似尙未列。女微加思索答曰。余名龍南特倍。而船主誦之者再。意似爲女介紹於鄰座之婦人。婦戴鏡視女自上而下。既畢。顧船主微笑。秋波示意。二人遂任女獨坐。有頃。婦近與女語。客談如（此爲子第一次之海程乎。）（曾抱病乎。）等語不絕於口。女初不敢舉目。約一二分鐘。負勇答婦語。婦又曰。子一人在舟乎。毋乃寂寞耶。想尊舅必卽乘第二次舟來。子其勿憂。余意子殆欲入英國之學校乎。女曰然。婦姓薩甫敦。性甚和善。微笑曰。子後必喜之。余亦有一兒在伊頓。不知子將何適。女曰。余不知。須問余舅薩甫敦夫人曰是也。船主曾云。吾儕必竭力善視子矣。子其與余共飲咖啡於甲板上乎。女見室中同類繁多。固思引避。得是言深合己意。卽與新同伴同行。婦過船主前時低聲曰。美哉渠也。若亦曾留意其談吐乎。苦哉此子。然余恐決不令渠久困愁城也。女之聽官絕銳。聞詞茫然。旣登甲板。婦移椅與女並肩坐。侍者進咖啡。俄頃。女侶三五偕來。其椅座俱圍此二人。女固並未相招。而衆則醉於此。穉氣美容。不覺羣趨如的。女初猶含羞不敢。

平視稍久漸習談吐漸肆衆俱寂然側耳靜聆女述掘工與茅屋之生活及一切澳洲之風景女述及澳洲頓觸心事仰倚椅背納手於袋而緊閉其猩紅之脣衆中一少女坐女側此時移坐更近注視女面目不稍瞬屏息頰頰薩敦夫人顧之失笑茲時凡男客之登甲板者莫不思窺是羣無如圍密不能探首不得已置之久之夫人語女曰倍而君茲時宜安息矣自是凡女登甲板女侶卽羣集而圍之女因而漸忘前之愁念反以爲樂故對於男賓乃竭力引避偶相值男賓俱以妬目怒視之船近亞爾屏崖泊岸女手攜格蘭特斯冬式皮包與羣女言別衆中或詢女之去向或要與通信而自告其住址姓名女游詞答之孑然登岸投身於眠思夢想如何華麗如何繁盛之倫敦街衢然女殊無意賞覽急乘火車向賈弗雷書中囑往之史泰保羅自車窗外眺始則密如蛛網之市街繼則田野平原此卽賈弗雷所謂英國之佳景惜乎賈不在側不能爲之一一指示爲憾也同車祇有一婦服雖華富而其容則狡猾大異於同船之羣女時引女語女厭之祇淡淡應酬數語婦不得已擁廉價之雜

誌抱膝低吟。女不諳行途之戒。故及此靜而無伴。遂頹然睡。矇矓中。覺有手掠胸過。既而爲侍者呼（已到史泰保羅）之聲所醒。拭目而起。顧婦則不知於何時已行。女決意留皮包於站。待覓得寓處。然後取之。遂寄之行李室。步行離站。約二里。經一窄衢。思稍息。藉茵而坐。自忖今將何適。何爲。於是探手於袋索紙幣。呀。賈之信留。而紙幣亡矣。迴憶上車時。猶無所損。詳測在車一切情形。則殆爲彼麗服之狡婦所盜矣。噫。數十先令外。更無所存。而足下所履者。又爲從未識面之鄉。斯時之驚惶失措。殆如一落千丈。雙足竟不由自主。狂奔而前。疲極始投身於地。掩面大哭。斯時有一雙輪馬車。鱗鱗自遠而近。御者爲一玉貌亭亭之少女。俯視見一姣好少年。抱首大哭。不禁奇而憐之。於是勒其高頭之馬。俯詢曰。何事問者非別。依佛也。

第十九章

女仰視依佛之面。淚含於睫。見詢者爲同類。遂止淚。起立。下視其目。曰。余……余被盜。依佛曰。盜在何時何地。余不意史泰保羅乃有盜。女曰。不在此。在火車上也。言時。偷。

視依佛。見其嬌美之容。和藹之氣。大異於車中之婦。又續曰。余睡於車。同座有一婦。此事必彼婦爲之。依佛曰。余心憂之甚。望所失不巨也。女咬脣勉含其淚。曰。所存數先令外。盡失所有矣。依佛曰。好友汝必試求其返。宜投訴警署。署在高街之中。事必獲濟。然君友聞之。將若何。女俛首曰。余無友。時依佛手理絲韁。顧此少年曰。無友。君殆此間新客乎。女點首曰。然。一新客也。余方初自澳洲之掘金羣來。盡攜所有。今失之矣。依佛柔聲中語。氣帶奇渴。曰。既無友。何以來史泰保羅乎。女曰。余聞其名。思一瞻仰之。本意欲求入塾。今亦不妨求操業。言時。勉爲一笑。心中亦知囊空與滿之難與易也。依佛凝眸注女胸。自沉思隨口曰。是誠非常之奇事。女顏頰星眼微睜。曰。君意不余信乎。依佛紅暈兩頰。曰。否。否。余固信之。君欺余亦何意歟。謂君富。則君非乞兒。然乎。女出所剩金示依佛。曰。乞兒乎。余餓死且不丐。茲事非余欲告君。君自問余耳。語畢。脫帽竟行。依佛受譏愧悔不已。急呼曰。留步。留步。余非有意辱君。徒以與君面生音違。恐行誤爲人笑耳。又自語曰。余必追之返。時女竟行不顧。依佛

驅車逐其後。曰請留步。余無目竟交臂失君。令君哭矣。女含淚返顧。曰妄哉。余未哭。
君試百計亦必不能令余哭。依佛喃喃自語。曰奇哉童子。又謂女曰可上車坐余側。
余送君之警署。君若郤余請。余將數日不能忘君喪顏之面矣。請上車美哉童子女。
顛足躍登。此時馬已不能忍。待叩後蹄催行。依佛曰母恐馬無他意也。女藐然曰余
並不驚恐。余平生從未驚於一馬。且若此馬。余尙能無鞍騎之。依佛睨之笑曰如君
之奇特。余所偶睹也。女面赤。依佛續曰頃君嬌啼似女。而其後則又頓似倫敦之市
童矣。請告余以君名。女穉氣昂然曰龍南特倍。而君何名。依佛對此直接之間名。
西俗
男子不能直爲之微笑。曰余名依佛藍許雷。居於藍許雷爵府。同居爲余兄愛特華。
俗
西俗婦女告人以己之姓名必更以己夫或保護人之姓名告君云來自掘金羣。然今狀乃似駕駛。君此來豈無親
友相共耶。女搖首憶及希南。乃曰余有舅父同來。而渠忽失船候。依佛始轉憂爲喜。
曰是毋妨渠必以第二次舟來。君必能遇之。女曰君意甚厚。惟余殊不願見渠。依佛
詫曰不願見渠耶。女曰否。不喜見渠耳。渠或且不來。舍之可已。余自能自顧生計也。

依佛覺目中之美童時刻變易而奇聞奇事層出不窮不知其究何化身因詢曰是何意何者爲君所能爲女曰不論何事均能爲之依佛曰君習於掘金而英國乃無金可掘雖然余亦不敢以多問累君可靜待抵警署也呀何事蓋女突發奇聲呼曰彼何物是何地耶此時堡景已盡現於目前女縱情流覽曰美哉景也依佛曰是爲史泰保羅堡史泰保羅伯爵所居也女目不忍捨曰偌大壯舍乃居一人且其巨乃至曼爾旁之大廈所敢頡頏此伯爵何姓依佛曰姓卽史泰保羅君當知伯爵爲何等人物乎女曰知之余於賈弗雷書中睹之矣依佛曰賈弗雷爲君友乎或君兄也然乎女點首廻眸視堡以匿其杏臉之紅暈曰余兄也此間爲鎮乎依佛曰然鎮也女曰巨雖不及倫敦而美麗過之君卽居於是乎曰否余居尙在左方此行送君往警署耳女曰警署有善政乎澳洲殊未見之即竊賊一事獲必鎗斃然不多見也依佛曰澳洲固已略具英國之雛形矣今試觀此事之究竟此間是矣車遂停於署前一司事出至車前脫帽爲禮依佛曰施丹平君近佳此少年被竊於火車中願君助

之返其金。賊可置之勿問也。賊爲一婦人。然乎。女點首曰。然。一婦人坐逆余向。余疲極而睡。睡時微覺其手掠余胸而過。司事出記事簿。詢女之來處。錄之。曰先生婦之形狀若何。語頗溫和。其意以女爲依佛之友也。女曰不甚憶之。婦服灰色衣裙。其面目黑暗。而其帽之左方有二羽一扣。及一叢藍色之薔薇。則尙能識之。依佛笑曰。君乃記其服裝。幾似一女子矣。女咬脣曰。此君詢余耳。余意此婦必在前站下車。司事曰。錢袋中失數幾何。女曰。非錢袋爲一卷之鈔幣。爲數約四百鎊。司事聞之。詫然注視女面。依佛則曰。四百鎊呀苦哉。吾子司事續其記載。曰先生乎。是固君能得之數也。女搖首曰。余不解施丹平。曰。君不云來自澳洲乎。此語羨之。(謂自月中來)也。又曰。君及君友能舍之乎。否則茲事尙非無望。余將有以置彼婦。然君之言證尙未完全。依佛小姐乎。余恐難望其必獲。余甚爲之憂。然必盡余力。於是依佛驅車行。女曰。余知金必不返矣。此不知費幾許辛苦而得之者也。雖然幸未爲賈弗雷所知。渠必以爲余甚安適也。謝君厚意。今請讓余下車。余將覓暫寓而求所以工作。依佛顧而

憐之。曰余不能任君去。君年既少。而又……(意欲云貌美急易詞曰)履此生地。且又無友不可不從余返。余必有以慰君。且詢余兄以君之適宜。女曰令兄與君相似乎。依佛曰否。渠容絕美。然或有一二相似也。車行過鎮而馳於堡。堡人見一生面少年坐依佛旁。羣異之。車至街端遇屋特亨。屋鞠躬曰。依佛小姐晨安。請恕僕當道之罪。僕茲敬詢一言。不識愛特華先生今日在舍否。依佛曰恐未必。渠清晨卽偕裴新登君往視馬羣。裴新登君欲購馬也。故去或一日。屋特亨微笑曰。裴新登君苟不得愛特華先生爲友。恐無良導矣。又顧女曰。依佛小姐可否令僕知此少年君子爲何如人乎。依佛微頗然以女年稚故尙不妨。遂答曰。屋特亨君斯爲余友龍南特倍而君屋特亨鞠躬。女脫帽。屋特亨曰。噫。倍而乎。余不能憶是名。然此君之貌似曾見之。筆依佛嬌聲笑曰。屋特亨君君而有此一失。誠爲難得。此君方自澳洲來。二三日前從渠下次過鎮能屈駕一臨敝舍乎。晨安。屋特亨佇望車塵曰。余敢誓云必曾見之。然

既謂來自澳洲。則余之妄想耳。

女問依佛曰。此老何人。曰屋特亨君。業律師。卽頃我所見之巨堡主人史泰保羅伯爵之委任律師。亦爲我友。其人聰明絕頂。余苟以君事告之。渠必有以相助。余敢云。世間無事能難之也。余必告之。渠必能爲君通信於澳洲之友。女微顫曰。不必。勿勞。告之。余不欲彼間人知余之失敗。余自能處置。不誤也。依佛曰。奇哉子乎。車鱗鱗鞭絲映日。一對璧人逐金烏而馳。

案是章載姪婢告賈弗雷之名於依佛。而三十章中載依佛聞賈弗雷而勿憶郎尼。非作者之過。實作者之妙筆。以見依佛之深情。專不他及也。

失金事終篇並未提及。非漏筆也。蓋用之所以留女於堡。用過。卽無重提之價值。況乎至末章之結果。女已得夫婦同享巨產。四百鎊不值爵夫人一粲矣。

第二十章

車經一茅屋。屋前長春藤與白薔薇遍地如花茵。一雪髮老嫗坐門口作針黹。

曰。此其宜矣。女曰。此何指。依佛曰。龍南特余爲君覓得一暫居之處。此其是也。老嫗爲我家守門者栗伯雷之姊。此時嫗已自座起。攜針活於手。至門外含笑視依佛。依佛曰。曖倍的。余見汝甚慰。此少年名龍南。特倍而欲求暫寓。汝能以餘屋納之乎。余敢決渠必不爲累。或且有以助汝。遂顧女曰。渠作手套。君或助之理線。或往取原料。或送已成於各店。諒必能之。女笑曰。諾。是非難事。倍的自老光鏡中。睹此玉容皎潔之少年。歡然曰。依佛小姐。余願之。且歡迎之。然作工一事。恐非其能。女曰。余能之。蒙留榻。感甚。遂欲躍下。依佛牽其衣。曰不可。余尙須與君至爵府。余兄苟未出。或能設法。卽爲君追失款。君可去而再來也。女曰。諾。慨夫女之遭際。翻覆不已。然愈磨折而賈弗雷三字。則反愈印愈深矣。依佛謂老嫗曰。渠以半時後來。於是蹄復揚塵。車將近府。道上一少女彳亍而來。其髮紅如荼。與日光相映。遂如首項火盆。車過時。睨視車上。旣過。女曰。伊何人。依佛殊落落不甚愜意。曰。渠與其外祖母居於史泰保羅之園。後名藍溪兒雷痕。女曰。美乎。奇哉。其目與髮也。乃若珍寶。然乎。君與英人美之乎。

依佛默然。又頃作冷淡無味之態。答曰。余不知。惟美之者未始無人。斯爲一研究之問題。然余不甚美之。渠此來省其外祖母。留數禮拜即去也。近聞其將作久留之計。雖然。此母預君事。女竦肩曰。唉。余所以問之者。以其特異耳。車入大門。行乎綠茵之甬道上。女卽續曰。美哉古屋。依佛曰。此卽爵府也。余與余兄居之。請隨余入視。余兄在否。女伸臂扶依佛下車。隨之入客廳。栗伯雷啟曰。小姐愛特華君與裴新登君在主人之私室。言時頻視女。依佛謂女曰。君稍待於此。且觀壁上畫及各種陳列。余去卽來。遂往叩私室門。私室中二人初畢賭事。雙頰皆酡。桌上空酒瓶陳列成巨堆。而薛特南則方出記事簿有所錄。其態度與初見時已大異。舉止輕浮。夜郎自大。聲音笑貌俱放浪乎形骸之外。自暴自棄。令人齒冷。既而錄竣。視簿曰。藍許雷。此次爲數二百五十。合計前借共四千六百。然乎。愛特華點首曰。裴新登子言不謬。子運頗佳。而余何不幸乃爾。一星期中曾不一勝。然吾運必轉。呀有人叩戶。必吾妹也。子速匿牌。遂共匿牌於桌衣內。愛特華趨啓門。佯爲逸態曰。依佛乎。余與裴新登方飲。頃間

往購馬。噫何事。妹何威嚴乃爾。依佛見薛探手於袋。倚桌而立。遂與微一鞠躬。答曰。奇事也。余遇一童子。單身自澳洲來。爲路竊盡奪其所有。四百鎊之紙幣。不翼而飛矣。愛特華渠乃一英俊童子也。余導之之警署。而施丹平毫不肯助。余遂挈之來府。愛特華爇雪茄微笑。曰施丹平乎。依佛曰否。此子姓倍而名龍南。特於英國絕無親友。一無告之人也。言訖。微喘薛特南聞之意。不許可。惡聲曰。藍許雷小姐。余意送之苦工場。或瘋人院可已。依佛憎其毫無心肝。駁之曰非也。裴新登君疑渠乎。渠非欺人者。一溫恭雅禮。心直無私之童子也。愛特華余意若必助之。愛特華微笑。狀態悠然。曰。唉。余何以助之。是直一片荒蕪。無從著手也。今渠何在。宜先得一觀。依佛曰。在客廳內。遂出引婢入。入時。二少年方倚爐低話。薛睜目視女。狀傲而藐。愛則一見。卽微笑而噓。在此一瞬中。女即知何人。爲愛特華亦知薛特南。非善相識矣。斯時女矗立如塔。面雖呆白。而星眼視愛特華。毫不畏縮。愛特華發其溫和之聲音。露其悅人之微笑。曰。小友近佳。此來稍受挫折耶。言時出手。女伸纖荑與互握。不禁桃花擁。

頗。蓋見愛特華而憶賈弗雷也。愛特華又曰。母憂。我必善視子。幸哉。子乃適遇吾妹。吾當語汝。女斷其言曰。余知之。愛特華異而憐之。曰。汝知之伶俐哉。子何名。名龍南。特倍而乎來。何自薛特南曰。是也。小子試自述其歷史。言時捉女肩而旋之。女竭力扭脫。怒目視之。曰。余不能受此。若何人無問余之權力也。薛紅漲顚額。愛微笑解之。曰。老友。此尊汝而不敢親近之意也。又以目示意於女。曰。小友母然。此余友亦余鄰。薛特南裴新登君。史泰保羅之姪也。子宜求其恕。女曰。渠宜求余渠。何擅擰余肩耶。言時微搖其肩。薛詈曰。噏。子未傷也。吾願子稍持其舌。余去矣。依佛小姐再會。於是對愛微點首。怒目視女。悻悻出門去。愛特華目視其既去。謂女曰。小友飲乎吸煙乎。汝雖詞色嚴肅。然余頗樂之。請以此自助。遂手一杯近酒瓶。女急搖手止之。依佛亦急以手撫女肩。狀如欲奪之返。曰。不可不可。愛特華不見其太稊乎。愛特華曰。呀。余未之知也。余徒知以文明待之耳。余將何以處之耶。試令稍習。余敢決渠必甚樂我。儕也。依佛曰。渠將寓於倍的家。嫗必能善視之。愛特華點首微笑。曰。是固不誤小。

今敢問子何所善。騎乎射乎。女點首。斯時女乃頓易其態。首垂而容和。不若頃之赳赳英概矣。一則感於愛特華之和藹。一則憶及賈弗雷也。然心切不解。室主人何以有友若薛特南乎。愛特華曰。勇哉。視若固一善獵者。容日當試之。子必不吸煙乎。否。余敢決其必僞。不然。何余半汝年時已能爲之耶。依佛攜女行。愛特華歡然狂笑。依佛謂女曰。余甚喜若之。煙酒不聞。余兄性甚良善。但行止不檢。心直無慮耳。女思及賈弗雷。曰。余知之。亦甚喜之。惟不喜其別一人。斯人者一獸耳。依佛微顏然不怒。曰。毋然。龍南特是非莊重之道也。余今呼若龍南特矣。女曰。然乎。固爾。請呼余郎尼。此蓋賈弗。余意樂稱郎尼。依佛曰。諾。稱汝郎尼可已。今子宜進食。遂命僕進點膳。依佛佇立以待。且觀女食。女從容不迫。飲食自然。不露絲毫窘態。依佛曰。子之衣服如何。女曰。母煩清慮。余有一束於包中。頃已寄於車站。依佛曰。是甚佳。余不善理童服也。飲食足乎。可行矣。至倍的屋之途識之乎。女秋波微展。笑曰。是區區百碼耳。雖衢密如蜂巢。且穿林過市。而爲程三十里。余尙不爲所迷也。言時握依佛手。仰視麗容。

續曰。君德余然余不知何以爲謝也。今日累君矣。依佛將俯而吻之。女略一思索瞬即避之。曰。余惡接吻。言畢取帽出。依佛愕然不知所旨。女旣出。且行且想。或及依佛。或及失金。及愛特華。則因其類賈。故心喜之。及薛特南。則怒如火發矣。猛見此所惡之紳士。徐步自對面來。女避之入一門。內置草地上以待其過。陡見彼紅髮紅睫之女郎。又自彼方來。薛特南見之。急趨步前迎。藍溪似已知窺者有人。故一鞠躬即擦肩過。女待二人影杳。然後出門。至倍的之居。倍的歡然迎之。曰。先生之臥室已備。盍登臨一觀乎。女遂登樓。見室雖狹小。然雅潔無比。旋下坐。媼側學工。女稍久卽習。約一時許。二人皆憊。媼起烹茶。女潛自後門出。見門外爲矮林。林外一粗莽園門。女步入。見其中森林古木。蔽日參天。惜乎。賈弗雷未能見此。女爲之悵然。不樂。忽耳畔微聞語聲。女急匍匐草際。蛇行至叢林深處。見男女二人並坐草際。一則伯爵之姪薛特南。一則紅髮紅睫之女郎藍溪兒也。男之雙臂圍於女腰。女之粉頸垂貼男胸。婢弟不覺失笑。之二人者。頃間相晤於途。殊無親愛之意。何一轉瞬而有此怪現象。

耶。遂去之。至一園門。一髮花膚皺之老婦立門前。注視女面。其實盲也。女亦呆然。對之立。婦忽問曰。誰乎。女近前曰。敬乞恕之可否。示余。婦急曰。君非余主人愛特墨特乎。速入來已太遲。老婦當卽爲汝易晚餐服。女注視久之。愕然不解。不知其瘋歟。抑誤認歟。遂回身遁。

案。婢既至英。則下章應敍賈弗雷矣。而作者反是。蓋薛特南之鵠巢鳩占案。勿逐鳩。鵠無以歸也。

第二十一章

溺愛河者。不知愁。墮孽海者。不知魔。熱度澎湃。但求比翼連枝。慾念勾魂祇博。雙宿雙飛。薛特南與藍溪兒。情熱如火。僻地私聚。幽密談衷。自以爲無人。或窺。豈知屬垣有耳。入於婢。無心之目矣。薛自曩夜贈環之後。日必聚首。或清晨。或月夜。或攜手散步。或促膝談心。至是而手圍於腰。首貼於胸。雖未興雲興雨。然其狎褻已不堪問矣。男女私會。青年之黑魔前途之棘徑也。而藍溪兒。則知識不足。徒存貧富之見。初

猶以得交貴人爲幸。繼且自料或能偶之。嘗聞古埃及克里屋派屈拉

埃及女王史
西洋上稱古

之絕豔有淫行故有偶丐夫之傳聞羅馬大將談撒及安多尼俱爲所媚。安多尼且因以敗死事詳西洋史。

思想既無不同何貧女不能偶貴夫耶。況乎自環吻交換之後薛特南之心已牢牢

縛住一縷情絲愈抽愈緊花好月圓鴛鴦交頸期不遠矣在薛特南之心目中有二

女影焉依佛與藍溪兒是也然愛必不能並非擇一而愛之不可以幽嫋貞靜嬌艷。

華麗而言則推依佛以妖冶迎合斌媚移人而論則云藍溪兒依佛如蘭藍溪兒如

鳳仙依佛寡言笑而性溫厚藍溪兒善諂諛而輕薄依佛雖靜而其兄愛特華則反

是惟欲成婚媾則其間有伯爵與藍許雷氏之貧阻之可望而終不可接也故薛特

南見依佛則羨之思偶之一見藍溪兒之面則前念盡釋其情又盡傾於雷痕氏矣。

今晚之遇薛特南因見憎於姪婢而遷怒於藍許雷氏故對於藍溪兒其情倍篤擲依佛二字於洋海之中矣藍溪兒默然久之作態淒然曰薛特南此間此會此其末次矣薛詫曰呀是何意何以末次耶藍溪兒低聲曰余去矣余本宜早以一星期之

留卽去。今遷延已久。余亦不自知其所以然也。今余外祖母頗覺其奇。且爲余憂。蓋余再不到校。將脫學期考試。而降級矣。薛特南急曰。呀。是烏可。卿必不能去。余必不能離卿。卿其忘彼學期考試。藍溪兒胸有成竹。見薛之急態。遂加意迫之。曰。余籌之熟矣。余過期太久。殊覺難於措詞。苟推云抱病。其如無病狀何。薛曰。藍溪兒。余願吾愛勿作此念。余決不離。若女身愈親。愈倚紅色之髮。飄拂薛頰。曰。君必離。余亦不能終留。余意得。言時秋波微瞟。又曰。呀。余意得何。薛喃喃曰。何不能。卿何不能。設此爲金錢問題。余之權力。無不能之。女恨曰。薛特南君。語聲悻悻。離薛身不倚。且連連噓氣。面形詫異。薛猶木然未解。曰。余意殊易解。簡余言。則余給汝金錢耳。女惱曰。非金錢之謂。謂余將來之間題也。噫。薛特南。余自遇君以來。竟忘余之將來。語時俯首流淚。續曰。日夜相晤。余亦知其謬。無惑於君之慈愛。及談時之樂意。薛曰。卿必勿去。卿其留此。別覓所圖。女曰。余何必留此。君久必生厭。不但厭。余且必悔。日日之相晤。況乎君貴人也。伯爵之姪也。所交貴女。如雲如櫛。以之視。余能不自

慚乎近言之若依佛藍許雷小姐君非日羈其家乎見渠必忘余矣苟得與有一隙之談則甜言蜜語亦必如對余時也薛面頰急避不令女見俯首曰否否余敢誓之余與渠兄愛特華爲友耳與渠殊鮮交談唉藍溪兒汝乃余之心上人也卿必勿去亦勿起去念卿去余將若何將更有何人知余心若卿者乎藍溪兒吾愛其近余女曰余留此何爲君苟確係愛余而欲娶余則余方能留此言時首俯薛肩雙手緊握薛手薛瞿然曰余意固欲娶汝不然豈尙有他意乎然余伯女囁嚅曰渠必不可令知之然余固知君之難惟君若確係愛余此時論薛之心則愛與否欲娶與否均無定見惟今被刲於女之妖媚不禁神魂失所不克自主矣謂女曰藍溪兒余欲娶汝也然必出以秘密結婚汝宜來倫敦與余結婚於登記而無舉動女狐疑曰是合理乎薛曰何云不合所少者祇繁文俗禮耳藍溪兒乎亦知此所避者避余伯耳苟爲所知則渠之偌大家財盡自我手中逸矣女曰我儕亦不求其財君已得產矣薛曰否未盡然也屋特亨告余謂是產俱係伯爵以心血換來不肯輕易脫手也吾

愛須知苟明示結婚。則敗我儕事矣。此我儕二字。直激女心。遂曰薛特南。余決不敗汝。蓋不然。且以情易貧矣。汝固愛余乎。復倚薛身。尖尖雙手。捧薛之頰。薛益不能自主。曰汝必知余殊愛汝也。女喃喃曰。余爲汝婦。必不貽汝羞。汝試觀。余非異於尋常莊農之女乎。薛曰。余寧不知之。以汝之全身。苟得以合式之裝飾。女插入曰。必如依佛藍許雷小姐。薛更媚之曰。不僅如藍許雷小姐。汝苟雜羣釵中。必特出如鶴立雞羣也。女曰。余殊樂聞此語。敢信其爲確實之辭也。然但憑登記法。余向亦知之。而心頗不許。今不得不如是矣。我儕盍卽結婚乎。言時。匿首薛懷。不令見其急態。又曰。今且視爲已結婚夫婦。吾愛能之乎。薛以兩臂緊抱持之。曰。然可即結婚。緩之殊無理由也。余當卽往倫敦料理。一切須得兩星期之勾留。屆時。必自稱謂業律師。即可得合式之禮儀矣。女曰。是矣。噫。薛特南爾。吾將有兩星期之久別。余甚不願有此婚事矣。薛曰。余可時來時往。至彼間亦不過覓屋耳。此一句餘鐘之長談。實出藍溪兒意料之外。其歸屋時。心躍面頰。喜氣盎然。蓋一句餘鐘。戰爭之結果。自以爲奪得伯爵。

夫人矣。薛特南蹣跚歸然一離魔女。神志頓清。覺此事未甚妄善也。藍溪兒之爲人。固未始不治於爲己。婦其如門楣太劣何。女雖未知其父之爲罪犯。而薛則已知之。苟以語女。不知能解此婚約乎。薛於此乃混然不能決。翌日束裝上道。亦未通知愛特華。惟於上道之前。遣侍者達伯爵問有所需於倫敦否。伯爵答不敢以賤務勞薛特南。君凡一切雜事。自有代理人也。此冷峭之辭。卽爲送行之餞。薛於途千思萬索。終不能解脫此局。蓋此時雖明知受愚。奈悔辭苟一出口。藍溪兒必以茲事大號也。旣抵倫敦。稅寓於喬其街之聖傑姆旅館。館之蕭索不堪入目。而薛則反以爲適合於寓。入簽名於簿。在他人固無不以其貴族之姓氏爲榮。而今薛則反是。

第二十二章

薛特南擇最優等之室。付值一月。旅館主婦不禁笑逐顏開。李却之先生不絕於口。恭維盡致矣。薛旣解裝。散步批該狄雷少頃。卽返就餐。蓋愛特華尙未介紹之入福瓊公會。故其步履無可他及也。餐較之堡供。大相懸絕。薛不禁爲興口味之悲。不得

已勉強餐畢。愕然思今將何爲。偶憶及舊遊斯屈蘭特街之彈子房。遂雇一雙輪車。自御而往。旣抵入視。見蓬門偏仄。然已頗有體面。室中有二三書記。及一初出道之大律師。一報館主筆。羣聚作玉葉戲。擊彈之種薛坐長桌畔。喚侍者取威司克及沙大

水各一瓶。坐飲而觀。有頃。亦挿入同擊。

惟薛於此項係屬生手。幸賭注不巨。而薛方。

熱於賭。故亦不以勝敗爲計。賭興正濃。又有來客。客身長而瘦。目細而光銳。顴骨高。

聳衣服頗盛。狀態伶俐。囂薄油滑。兼而有之。帽斜倚於顱。一枝巨黑雪茄煙。含於薄

脣。與同賭者二三人寒喧。一人曰。喂。灰脫船主。自何處歸乎。來客曰。返自外洋。且深

幸得返。蓋余所遇殊爲不順。曰。可得聞乎。去幾何時矣。曰。去已久。然覩君等之會聚。

猶如昨日也。噫。玉葉戲乎。下次請賜余一份。遂坐索威司克及沙大水各二瓶。飲之。

然後插入久之一人曰。船主可止矣。若所得已多。而此君……左顧問薛曰。恕余未知

君名。敢祈賜示。薛曰。余姓裴。急易曰。李却之。曰謹謝。又謂船主曰。渠已戲久。且敗已二次。亦足矣。船主曰。諾。余隨人爲便。況乎余雖昨宵始抵此。然爾我久別之老友。

也。又一人曰：船主歸何遲也？請告我所遇。余意必未得結果。船主曰：未也。又謂薛曰：李却之君善哉擊乎？余負矣。望納此金。余敢決如此擊者，必再連獲信乎？薛喜氣充面，字紅徹兩頰。既而戲罷，薛與船主並坐飲酒。船主自述其所遭之水患。薛心神貫注，傾聽不厭。始終不稍離座。飲罷，船主又約薛明日至其寓再飲。且告其寓名爲山西爾薛領之。次晨既起，憶及昨約，忽似有默示，曰：勿去。試一研究之。彼盤桓於斯，蘭特街之彈子房者，其人格可想而知矣。於是決意勿去。昏昏終日，厭極不堪。遂置默示於不顧。趨山西爾船主已候之久，迎入，曰：李却之先生佳哉！來遲矣。雖然，頃間余亦有事碌碌，不能應客也。余憊矣。薛曰：公事忙乎？曰：然。余之公務爲訪余姪。余與渠本同舟自澳洲來。不幸余爲事所羈，遂落渠後。薛曰：澳洲耶？昨日君不云來自印度乎？船主以目視薛，曰：是也。歸道過之耳。薛曰：是矣。言時心頗愧，示人以不熟海程也。船主又曰：二日以後，余蹤跡之，已影嚮逸然。惟此事不敢勞君思索。李却之君香檳與勃蘭地久待矣。二人飲酒時，相得甚歡。既罷，入吸煙室。十八辨士之雪茄，浪吸。

無度。又頃同至彈子房作玉葉戲。今日乃大奇。蓋薛勝而船主敗矣。旣而又同至耶愛溝之後。老皮利亞館晚餐。餐既共乘一亨斯美返翌晨薛病酒起稍遲。決意以第一車至史泰保羅。乃早餐未畢。船主已專誠來謁。曰李却之君樂哉。昨遊然君之病酒實余之過。昨不應更強進一瓶。惟彼時樂而忘憂。未計及此也。薛曰。今日天氣非甚和暖乎。曰然。敢索一瓶沙大及勃蘭地。一解吾饑。李却之君室佳哉。將作久留乎。曰否。暫耳。曰是室頗合獨居。余意君殆獨身乎。曰然哉。是聲直刺船主之耳。曰敬賀君乃躍出婚事之勢力圈。凡人能獨居殊多適意。余亦幸叨天主之福。深讚獨身主義也。今且談正事。君不云將獵於亨騰之野乎。曰余意欲且歸鄉一二日。曰確乎。恐非急事。然乎。且止之。余當引君再入深景薛意固亦不汲汲於見藍溪兒。遂與船主出獵。午膳於官料理店。旣而至沙虎之鄰。一小公會。是會名雖云小。實如一毒菌聚茂處。一盤龍大窟。恒惹警士之搜查者也。此時薛苟正心一觀。則船主之狐尾盡現矣。其頰紅。其目渺而銳如蛇。令人覩之。不勝憎厭。惜乎薛日來與酒爲友。目無。

能。力。矣。是。夕。薛。所。喪。甚。巨。盡。入。於。船。主。之。懷。也。翌。晨。相。見。於。倍。雷。街。薛。面。色。灰。白。傷。
酒。及。財。也。船。主。曰。李。却。之。昨。君。大。負。幸。早。停。手。曰。余。乎。余。乃。不。能。憶。船。主。笑。曰。余。憶。
君。然。也。余。本。來。約。君。余。蓋。亦。大。喪。然。此。亦。一。時。耳。余。曾。云。余。產。不。在。此。乎。薛。點。首。其。
實。毫。無。所。知。船。主。曰。君。或。假。余。若干。以。爲。余。繼。乎。薛。勉。出。數。紙。與。之。船。主。淡。然。稱。謝。
又。曰。今。日。將。何。爲。薛。之。頭。痛。更。甚。於。昨。急。思。返。堡。曰。余。將。歸。一。二。日。又。曰。必。歸。船。主。
微。笑。曰。置。之。可。耳。盍。再。留。一。日。君。何。事。乎。其。有。湘。裙。者。待。君。乎。去。休。二。人。復。遨。遊。於。
市。或。驅。車。或。入。彈。子。房。或。餐。館。船。主。就。薛。晨。與。之。紙。任。意。揮。霍。薛。睹。之。而。恨。然。沒。如。
何。也。於。是。仍。託。消。愁。於。酒。渾。渾。沌。沌。及。晚。而。止。覺。已。身。與。船。主。對。坐。於。己。室。船。主。傾。
聽。已。之。求。助。談。也。翌。晨。薛。宿。醉。不。能。起。見。船。主。入。低。聲。曰。李。却。之。日。昨。所。談。余。必。爲。
之。余。意。君。殆。必。不。能。少。余。然。余。苟。能。助。友。而。令。其。不。爲。愚。則。余。必。得。富。足。之。報。酬。薛。
賴。曰。君。何。語。船。主。瞪。曰。悔。乎。君。云。爲。一。鄉。女。事。求。助。於。余。豈。忘。之。乎。薛。面。色。灰。白。曰。
一。鄉。女。何。指。曰。昨。既。未。告。余。余。今。何。以。告。君。雖。然。君。昨。之。所。說。豈。爲。昨。約。事。成。後。百。

鏘之酬有所吝乎。薛喃喃曰。余不解。不知何所爲。說船主越桌至薛前。低聲述之。有頃。薛曰。何耶。固爾佳哉。余所說者。卽欲君爲之耶。船主點首曰。果也。余意是念殊惡。而巧。薛蹀躞室中心。花怒放。船主見之。又氣又笑。雖然爲已。則樂甚。

